

欽定史記

卷八
之十
二

史記卷八

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長 史張守節正義

高祖本紀第八

高祖

集解駟案漢書音義曰諱邦張晏曰禮諡法無高以爲功最高而爲漢帝之太祖故特起名馬

沛

豐邑中陽里人姓劉氏

集解李斐曰沛小沛也劉氏隨魏徙大梁移在豐居中陽里孟

康曰後沛爲郡豐爲縣索隱按高祖劉累之後別食邑

於范土會之裔留秦不反更爲劉氏劉氏隨魏徙大梁

後居豐今言姓劉氏者是左傳天子建德因生以賜姓
胙之士命之氏諸侯以字爲諡因以爲族說者以爲天

子賜姓命氏諸侯命族族者氏之別名也然則因生賜姓若舜生姚墟以爲姚姓封之於虞卽號有虞氏是也若其後子孫更不得賜姓卽遂以虞爲姓云姓虞氏今此云姓劉氏亦其義也故姓者所以統繫百代使不別也氏者所以別子孫之所出又系本篇言姓則在上言氏則在下故五帝本紀云禹姓姒氏契姓子氏棄姓姬氏是也按漢改泗水爲沛郡字季索隱按漢書名邦字治相城故注以沛爲小沛也

字季

索隱

按漢書名邦字季此單云字亦又可

疑按漢高祖長兄名伯次名仲不見別名則季亦是名也故項岱云高祖小字季卽位易名邦後因諱邦不諱

季所以季

父曰太公

索隱

皇甫謐云名執嘉王符云太布猶稱姓

成圖云劉媪夢赤鳥如龍戲已生執嘉

母曰劉媪

集解

文穎曰幽州及漢中皆謂老嫗爲媪孟康

曰長老尊稱也左師謂太后曰媪愛燕后賢長安君禮樂志地神曰媪媪母別名也音烏老反

婦人長老之稱皇甫謐云媪蓋姓王氏又據春秋握成圖以爲執嘉妻含始遊洛池生劉季詩含神霧亦云姓

字皆非正史所出蓋無可取今近有人云母溫氏貞時打得班固泗水亭長古碑文其字分明作溫字云母溫

氏貞與賈膺復徐彥伯魏奉古等執對反覆沉歎古人未聞聊記異見於何取實也孟康注地神曰媪者禮樂志云后土富媪張晏云坤爲母故稱媪也正義帝王世紀云漢昭靈后含始游洛池有寶雞銜赤珠出炫日后吞之生高祖詩含神霧亦云含始卽昭靈后也陳留風俗傳云沛公起兵野戰喪皇妣於黃鄉天下平定使使者以梓宮招幽魂於是丹蛇在水自酒躍入梓宮其浴處有遺髮謚曰昭靈夫人漢儀注云高帝母起兵時死小黃城後於小黃立陵廟拓地志云小黃故城在汴州陳留縣東北三十三里顏師古云皇甫謐等妄引讖記好奇騁博強爲高祖父母名字皆非正史所說蓋無取焉寧有劉媪本姓實存史遷肯不詳載卽理而言斷可知矣

其先劉媪嘗息大澤之陂夢與神遇是時雷電晦冥

太公往視則見蛟龍於其上

案按詩含神霧云赤龍感女媪劉季興又廣雅云

有鱗曰蛟龍

已而有身遂產高祖高祖爲人隆準而龍顏

集解

服虔曰準音拙應劭曰隆高也準頰權準也顏頰頰也齊人謂之頰汝南淮泗之間曰顏文頰曰準鼻也

始皇蜂目長準蓋鼻高起文穎說是高祖
感龍而生故其顏貌似龍長頸而高鼻
美須髯左股

有七十二黑子

正義

河圖云帝劉季口角戴勝斗胃龜

爲朱鳥其表龍顏多黑子按左陽也七十二黑子者赤
帝七十二日之數也木火土金水各居一方一歲三百
六十日四方分之各得九十日土居中央並索四季各
十八日俱成七十二日故高祖七十二黑子者應火德
七十二日之徵也有一本七十日者非也
許北人呼爲鷹子吳楚謂之誌誌記也
仁而愛人喜

施

正義喜許記

反施尸跂反意豁如也

集解服虔曰豁達也

常有大度不事家

人生產作業及壯試爲吏

集解應劭曰試補吏

爲泗水亭長

正義秦法

十里一亭十亭一鄉亭長主亭之吏高祖爲泗水亭長
也國語有寓室卽今之亭也亭長蓋今里長也民有訟
評吏留平辨得成其政括地志云泗水
亭在徐州沛縣東一百步有高祖廟也
廷中吏無所不
狎侮好酒及色常從王媪武負貫酒

集解韋昭曰貫賒也
索隱鄒誕生貫

音世與字林聲韻並同又音時夜反廣雅云貫賂也說文云貫貸也臨淮有貫陽縣漢書功臣表貫陽侯劉纏而此紀作射陽則貫亦射也 醉臥武負王媪見其上常有龍怪之高

祖每酤留飲酒讎數倍

集解如淳曰讎亦售案隱樂彥云借讎爲售蓋古字少假借耳

今亦依字讀蓋高祖大度及見怪歲竟此兩家常折券

棄責

券書也鄭元云傳別謂大手書於札中而別之也

然則古用簡札書故可折至歲終總棄不責也

高祖常繇咸陽

集解應劭曰繇役也案隱韋昭

云秦所都武帝更名渭城應劭云今長安也按關中記云孝公都咸陽今渭城是在渭北始皇都咸陽今城南大城是也名咸陽者山南曰陽水北亦曰陽其地在渭水之北又在九峻諸山之南故曰咸陽縱觀觀

秦皇帝

正義包愷云上音館下音官恣意故縱觀也

喟然太息曰嗟乎大丈夫

當如此也單父人呂公

集解駟案漢書音義曰單音善父音斧案隱韋昭云單父

縣名屬山陽崔浩云史失其名但舉姓而言公又按漢舊儀云呂公汝南新蔡人又相經云魏人呂公名文字叔平也善沛令避仇從之客因家沛焉沛中豪傑吏聞令

有重客皆往賀蕭何爲主吏

集解孟康曰主吏功曹也

主進

集解文

賦歛禮進爲之帥案隱鄭氏云主賦斂禮錢也顏師古曰進者會禮之財字本作費聲轉爲進宣帝數負進義與此令諸大夫曰正義曰大夫客進不滿千錢坐之堂

下高祖爲亭長素易諸吏乃給爲謁曰賀錢萬實不持

一錢

集解應劭曰給欺也音殆案隱韋昭云給詐也劉氏云給欺負也何休云給疑也謂高祖素狎易諸

吏乃詐爲謁謁謂以札書姓名若今之通刺而兼載錢穀也謁入呂公大驚起迎之

門呂公者好相人見高祖狀貌因重敬之引入坐蕭何

曰劉季固多大言少成事高祖因狎侮諸客遂坐上坐

正義 上在果 反下在欲反 **無所詘** **正義** 音丘忽反 **酒闌** **集解** 文穎曰闌言希也 謂飲酒者半罷半

在謂 **呂公因目固留高祖** **正義** 不敢對衆顯 **高祖竟酒**

後呂公曰臣少好相人 **集解** 張晏曰古人相與語多自稱僕 **相人多矣無如季相願季自愛臣有息女** **正義** 息生

也謂所生 **願為季箕帚妾酒罷呂媪怒呂公曰公始常**

欲奇此女與貴人沛令善公求之不與何自妄許與劉

季呂公曰此非兒女子所知也卒與劉季呂公女乃呂

后也生孝惠魯元公主 **集解** 服虔曰元長也食邑於魯

曰公主儀比諸侯姊妹曰長公主儀比諸侯王 **高祖為亭長時**

諸侯王姑曰大長公主儀比諸侯王

常告歸之田 **集解** 服虔曰告音如嗶呼之嗶李斐曰休

謁之名也吉日告凶曰寧孟康曰古者名

吏休假曰告告又音譽漢律吏二千石有子告賜告子告者在官有功最法所當得者也賜告者病滿三月當

免天子優賜復其告使得帶印綬將官屬歸家治疾也

索隱韋昭云告請歸乞假也音告語之告戰國策曰商君告歸延篤以爲告歸今之歸寧也劉伯莊顏師古並

音古篤反服音如嗥呼之嗥按東觀漢記田邑傳云邑年三十歷卿大夫號歸罷厭事少所嗜欲尋號與嗥同

古者當有此語今服虔雖據田邑號歸亦恐未爲得然此告字當音誥誥號聲相近故後告歸號歸遂變也

呂后與兩子居田中耨有一

老父過請飲呂后因餽之

正義必捕反以食餽人也父

國中童子無不餽老父相呂后曰夫人天下貴人令相兩子見

孝惠曰夫人所以貴者乃此男也相魯元亦皆貴老父已去高祖適從旁舍來呂后具言客有過相我子母皆

大貴高祖問曰未遠乃追及問老父老父曰鄉者夫人

嬰兒皆似君君相貴不可言高祖乃謝曰誠如父言不

敢忘德及高祖貴遂不知老父處高祖爲亭長乃以竹

皮爲冠令求盜之薛治之

集解應劭曰以竹始生皮作冠今鵲尾冠是也求盜者舊

時亭有兩卒其一爲亭父掌開閉掃除一爲求盜掌逐捕盜賊薛魯國縣也有作冠師故往治之

索隱應劭云

一名長冠側竹皮裹以縱前高七寸廣三寸如板又蔡邕獨斷云長冠楚製也高祖以竹皮爲之謂之劉氏冠司馬彪輿服志亦以劉氏冠爲鵲尾冠應劭云舊亭卒名弩父陳楚謂之亭父或云亭部淮泗謂之求盜也

時時冠之

正義音館

及貴常冠所謂劉氏冠

正義音官顏師古云後號爲劉

氏冠其後詔曰爵非公乘以上不得冠劉氏冠卽此

乃是也高祖以亭長爲縣送

徒酈山徒多道亡自度比至皆亡之

正義度田洛反此必寐反

到豐

西澤中止飲夜乃解縱所送徒曰公等皆去吾亦從此

逝矣徒中壯士願從者十餘人高祖被酒

正義被

夜徑

澤中

索隱舊音經按廣雅云徑小道音古定反言酒後放徒夜徑行澤中不敢由正路且從小徑

令

一人行前

正義行音下孟反

行前者還報曰前有大蛇當徑

索隱

鄭玄云步道曰徑

願還高祖醉曰壯士行何畏乃前拔劍擊斬

蛇

索隱

漢舊儀云斬蛇劍長七尺又高祖云吾以布衣提三尺劍取天下二文不同者崔豹古今注當高祖

爲亭長理應提三尺劍耳及貴當別得七尺寶劍故儀因言之正義按其蛇大理須別求是劍斬之三尺劍者

常佩之劍括地志云斬蛇溝源出徐州豐縣中平地故老云高祖斬蛇處至縣西十五里入泅水也蛇遂

分爲兩

索隱謂斬蛇分爲兩段

徑開行數里醉因臥後人來至蛇

所有一老嫗夜哭人問何哭嫗曰人殺吾子故哭之人

曰嫗子何爲見殺嫗曰吾子白帝子也化爲蛇當道今

爲赤帝子斬之

集解應劭曰秦襄公自以居西戎主少昊之神作西時祠白帝至獻公時櫟陽

兩金以爲瑞又作畦時祠白帝少昊金德也赤帝堯後謂漢也殺之者明漢當滅秦也秦自謂水漢初自謂土皆失之至光武乃改定索隱按太康地理志云時在櫟陽故城內其時若畦故曰畦時畦音戶圭反應註云秦自謂水者按秦文公獲黑龍命河爲德尔是也又按春秋合誠圖云水神哭子衰敗宋均以爲高祖斬白蛇而神母哭則此母水精也此皆謬說又註云至光武乃改者謂改漢爲火德秦爲金德與兩金及赤帝子之理合也故哭人乃以嫗爲不誠欲笞之

集解徐廣曰一作苦

漢書作苦謂欲困辱之

嫗因忽不見後人至高祖覺

索隱包愷伯莊音古孝反

後人告高祖高祖乃心獨喜自負

集解應劭曰負恃也索隱晉灼云自恃斬

蛇事諸從者日益畏之秦始皇帝常曰東南有天子氣於

是因東游以厭之

索隱厭音一涉反又一冉反廣雅云厭鎮也

高祖卽自疑

亡匿隱於芒碭山澤巖石之間

集解徐廣曰芒今臨淮縣也碭縣在梁駟按應

劭曰二縣之界有山澤之固故隱於其間也 正義括地志云宋州碭山縣在州東一百五十里本漢碭陽縣也

碭山在

縣東 呂后與人俱求常得之高祖怪問之呂后曰季

所居上常有雲氣

正義顏師古曰京房易兆候云何以知賢人隱四方常有大雲五色具而

不雨其下有賢人隱矣故呂后望雲氣而得之

故從往常得季高祖心喜沛中

子弟或聞之多欲附者矣秦二世元年

集解徐廣曰高祖時年四十八

應劭云始皇欲以一至萬示不相襲始者一故至子稱二世崔浩云二世始皇子胡亥又按善文稱隱士

云趙高爲二世殺十七兄而立爲王則二世是第十八子也

秋陳勝等起蕪至陳而

王號爲張楚

案蕪縣名屬沛音機又音祈

諸郡縣皆多殺其長吏以

應陳涉沛令恐欲以沛應涉掾主吏蕭何曹參

案隱按漢書蕭

曹傳參爲獄乃曰君爲秦吏今欲背之率沛子弟恐不

聽願君召諸亡在外者可得數百人因劫衆說文云以力脅

也衆不敢不聽乃令樊噲召劉季劉季之衆已數十百

人矣漢書作數百人劉伯莊云數十人或至百人則是百人已下也於是樊噲從劉

季來沛令後悔恐其有變乃閉城城守欲誅蕭曹蕭曹

恐踰城保劉季集解韋昭曰以爲保鄣劉季乃書帛射城上謂沛

父老曰天下苦秦久矣今父老雖爲沛令守諸侯並起

今屠沛范曄謂剋城多所誅殺故云屠沛令共誅令擇子弟可立者

立之以應諸侯則家室完不然父子俱屠無爲也父老

乃率子弟共殺沛令開城門迎劉季欲以爲沛令劉季

曰天下方擾諸侯並起今置將不善壹敗塗地

一朝破

敗使肝

吾非敢自愛恐能薄

正義能才能也高祖謙言才能薄劣不能完全其衆

能者獸形色似熊足似鹿爲物堅中而強力人之有賢才者皆謂之能也

不能完父兄弟

此大事願更相推擇可者蕭曹等皆文吏自愛恐事不

就後秦種族其家盡讓劉季諸父老皆曰平生所聞劉

季諸珍怪當貴且卜筮之莫如劉季最吉於是劉季數

讓衆莫敢爲乃立季爲沛公

漢書音義曰舊楚僭稱王

其縣宰爲公陳涉爲楚王沛公起應涉故從楚制稱曰公

祠黃帝祭蚩尤於沛庭

應劭曰左傳曰黃帝戰於阪泉以定天下蚩尤好五兵故祠祭之求福祥也瓚曰管仲云葛盧山交而出水金

從之出蚩尤受之以作劍戟

按管子云而釁鼓

葛盧之山發而出金今注引發作交誤也

應劭曰釁祭也殺牲以血塗鼓曰釁瓚曰按禮記及大戴禮有釁廟之禮皆無祭事案隱說文云釁血祭也司

馬法曰血于鼙鼓者神戎器也顏師古曰殺牲以血祭者皆名爲釁臣瓚以爲皆無祭事非也又古人新成鍾

鼎亦必釁之應劭曰釁呼爲豐馬融註周禮灼龜之兆云謂其象似玉瓦原之釁墟是用名之此說皆非墟音

火稼案隱墨翟云幟帛長丈五廣半幅字詰反云幟標也字林又云熊旗五游謂與士

卒爲期於其下故曰旗也幟或作識或作志嵇康音試蕭該音熾由所殺蛇白帝子殺

者赤帝子故上赤於是少年豪吏如蕭曹樊噲等皆爲

收沛子弟二三千人攻胡陵方與集解鄭德曰音房豫屬山陽郡案隱鄧展

曰胡陵縣名屬山陽章帝改曰胡陸還守豐秦二世二年陳涉之將周章

軍西至戲而還案隱應劭云章字文陳人文穎云戲在新豐東二十里戲亭北孟康云水名也

又述征記云戲水自驪山馮公谷北流歷戲亭東入渭按今其水東惟有戲驛存還謂爲章邯所破而還邯音

燕趙齊魏皆自立爲王

秦隱按漢書高紀二世二年八月武臣自立爲趙主田儼

自立爲齊王韓廣自立爲燕王魏咎自立爲魏王

項氏起吳秦泗川監平

文穎

曰泗川今沛郡也高祖更名沛秦時御史監郡若今刺

史平名也秦隱如淳云秦并天下爲三十六郡置守尉

監故此有監平下有將兵圍豐二日出與戰破之命雍

守壯則平壯皆名也

集解如淳

齒守豐引兵之薛泗川守壯敗於薛走至戚

日壯名也

戚音將毒反秦隱

音灼云東海縣也鄭德包愷並如字

讀李登音千笠反正義

括地志云沂州臨沂縣有漢戚

縣故城地理志云

沛公左司馬得泗川守壯殺之顏師

古云得司馬之名非也按後云左司馬曹無傷自此已

下更不見替易處蓋是左司馬無傷得泗川守壯而殺

之沛公還軍亢父集解鄭德曰亢音人相亢答父音甫

並音苦浪反正義音剛又苦浪反括

地志云亢父縣也沛公屯軍於此至方與周市來攻

方與未戰陳王使魏人周市畧地周市使人謂雍齒曰

豐故梁徙也

集解文穎曰梁惠王孫假爲秦所滅轉東徙於豐故曰豐梁徙

今魏地已

定者數十城齒今下魏魏以齒爲侯守豐不下且屠豐

雍齒雅不欲屬沛公

集解服虔曰雅故也蘇林曰雅素也

及魏招之卽反

爲魏守豐沛公引兵攻豐不能取沛公病還之沛沛公

怨雍齒與豐子弟叛之聞東陽甯君秦嘉

集解文穎曰秦嘉東陽郡

人也爲甯縣君瓚曰陳勝傳曰廣陵人秦嘉然則嘉非

東陽人也秦嘉初起兵於郟號曰大司馬又不爲甯縣

君東陽甯君自一人秦嘉又自一人案隱按下文直云

東陽甯君又別言秦嘉則臣瓚之說爲得顏師古以甯

是姓君者立景駒爲假王在留

案隱

韋昭云今彭城留

城在徐州沛縣東南五十里卽張良所封處

乃往從之欲請兵以攻豐是時

秦將章邯從陳別將司馬尼

集解如淳曰從陳涉將也涉在陳其將相別在他許

皆稱陳尼章邯司馬索隱謂章邯從陳別將將兵向他處而遣司馬尼將領兵士北定楚地孔文祥曰邯別遣

尼屠相又一說云從謂追逐之言章邯討逐陳別將而司馬尼別將兵北定楚地此理亦通也將兵北

定楚地屠相至碭

索隱韋昭云相沛縣應劭云碭梁國蘇林音唐又音宕正義括地志云故

相城在徐州符離縣西北九十里碭在宋州東一百五十里東陽甯君沛公引兵西

與戰蕭西

索隱韋昭云蕭沛之縣名謂在蕭縣之西不利還收兵聚留引兵

攻碭三日乃取碭因收碭兵得五六千人攻下邑拔之

索隱范曄云得城爲拔韋昭云下邑縣名屬梁國也還軍豐聞項梁在薛正義今

縣故薛城也從騎百餘往見之集解徐廣項梁益沛公卒五

千人五大夫將十人

集解蘇林曰五大夫第九爵也以五大夫爲將凡十人也沛公

還引兵攻豐

徐廣曰表云拔之雍齒奔魏

從項梁月餘項羽已拔

襄城

韋昭云潁川縣

還項梁盡召別將居薛聞陳

王定死因立楚後懷王孫心爲楚王治盱台

韋昭云臨淮縣

音吁夷

項梁號武信君居數月北攻亢父救東阿

韋昭

楚縣也

破秦軍齊軍歸楚獨追北

服虔曰師敗日

北使沛公項羽別攻城陽屠之

地理志城陽屬濟陰

軍濮陽之

東

濮陽故城在濮州西八十六里本漢濮陽縣

與秦軍戰破之秦軍復振

集解李奇曰振整也如淳曰振起也收敗卒自振迅而復起也

守濮陽環水

文穎曰決水以

自環守爲固也張晏曰依河水以自環繞作壘

二說皆通其濮陽縣北臨黃河言秦軍北阻黃河南鑿溝引黃河水環繞作壁壘爲固楚軍乃去

楚軍去而攻定陶

乾隆四年校刊

史記卷八

本紀

陶未下沛公與項羽西畧地至雍丘之下

韋昭云故祀國今陳

留縣與秦軍戰大破之斬李由還攻外黃

陳留縣韋昭云上

雍丘

外黃未下項梁再破秦軍有驕色宋義諫不聽

在

荀悅漢紀云故楚令尹宋義當別有所出

秦益章邯兵夜銜枚擊項梁

集解駟案

周禮有銜枚氏鄭玄曰銜枚止言語器謹也枚狀如著橫銜之繯結於項者繯音獲

大破之定陶

項梁死沛公與項羽方攻陳留聞項梁死引兵與呂將

軍俱東呂臣軍彭城東項羽軍彭城西沛公軍碭章邯

已破項梁軍則以爲楚地兵不足憂乃渡河北擊趙大

破之當是之時趙歇爲王

歇蘇林音如字鄭德音過絕之過徐廣音烏轄反今

依字

讀秦將王離圍之鉅鹿城此所謂河北之軍也秦二

世三年楚懷王見項梁軍破恐徙盱台都彭城并呂臣

項羽軍自將之以沛公爲碭郡長

正義括地志云宋州本秦碭郡蘇林云長

如郡守韋昭云秦名曰守是時改曰長

封爲武安侯將碭郡兵封項羽爲

長安侯號爲魯公呂臣爲司徒其父呂青爲令尹

案隱按表

青封信陽侯正義應劭云天子曰師尹諸侯曰令尹時去六國近故置令尹臣瓚曰諸侯之卿唯楚稱令尹其餘國不稱時立楚之後故置官司皆如楚舊也趙數請救懷王乃以宋義爲上

將軍項羽爲次將范增爲末將北救趙令沛公西畧地

入關與諸將約先入定關中者王之

案隱韋昭云函谷武關也又二輔舊

事云西以散關爲限東以函谷爲界二關之中謂之關中

當是時秦兵彊常乘勝逐

北諸將莫利先入關獨項羽怨秦破項梁軍奮

案隱韋昭云憤

激也願與沛公西入關懷王諸老將皆曰項羽爲人僂悍

猾賊

僂

說文云僂疾也悍勇也一云僂輕也音匹妙反漢書作禍賊也

項羽嘗攻襄城

襄城無遺類皆阬之

集解

徐廣曰遺一作噍噍食也音在妙反騮按如淳曰類無復有活

而噍食者也青州俗言無子遺爲無噍類

諸所過無不殘滅且楚數進取

集解

如淳曰楚謂陳涉也數進取多所攻取

前陳王

集解

騮案漢書音義曰陳涉也

項梁皆敗

不如更遣長者扶義而西

正義

遣長者扶持仁義而西告諭秦長少令降下也告

諭秦父兄秦父兄苦其主久矣今誠得長者往毋侵暴

宜可下今項羽僂悍今

集解

徐廣曰無此字

不可遣獨沛公素寬

大長者可遣卒不許項羽而遣沛公西畧地收陳王項

梁散卒乃道碭至成陽與杠里

集解

騮案漢書音義曰道由碭也成陽杠里二

縣名也服虔云枉里縣名如淳云秦軍所屯地名秦軍夾

壁破魏二軍楚軍出兵擊王離大破之集解徐廣曰表云三年十月攻

破東郡尉及王離軍於成武南沛公引兵西遇彭越昌邑正義地理志云昌邑屬山

陽括地志云在曹州成武縣東北三十二里有梁邱故城是也因與俱攻秦軍戰不利

還至栗縣名屬沛也遇剛武侯集解應劭曰楚懷王將也駟案漢書音義曰功

臣表云棘蒲剛侯陳武武一姓柴剛武侯宜為剛侯武魏將也瓚曰功臣表柴武以將軍起薛別救東阿至霸

上入漢中非懷王將也又非魏將也例未有稱諡正義顏師古云史失其姓名姓唯識其爵號不知誰也不當改

為剛侯武應氏以為懷王將又云魏將無據矣表六年三月封孟顏二人說是奪其軍可四千

餘人井之與魏將皇欣魏申徒武蒲之軍正義並魏將也欣字或作

斬音許斤反蒲漢書作滿並通也并攻昌邑昌邑未拔西過高陽集解文穎

乾隆四年校刊

日聚邑名也屬陳留圉縣瓚

日陳留傳曰在雍丘西南

鄼食其集解鄭德曰音歷異基

謂監

門日諸將過此者多吾視沛公大人長者乃求見說沛

公沛公方踞牀使兩女子洗足鄼生不拜長揖日足下

必欲誅無道秦不宜踞見長者於是沛公起攝衣謝之

延上坐食其說沛公襲陳留

集解駟案漢書音義日春秋傳日輕行無鍾鼓日襲

得秦積粟乃以鄼食其爲廣野君

集解韋昭云在山陽鄼商爲將

將陳留兵與偕攻開封

集解韋昭云河南縣

開封未拔西與秦將

楊熊戰白馬

集解韋昭云東郡縣正統括地志云白馬故城在滑州衛南縣西南二十四里戴延

之西征記云白馬故城衛之漕邑

又戰曲遇東大破之

集解徐廣云曲遇在中牟韋昭

云志不載司馬彪郡國志中牟有曲遇聚也

楊熊走之滎陽

集解韋昭云故衛地河南縣也

二世使使者斬以徇

集解徐廣曰四月

南攻潁陽屠之因張良

遂略韓地轅轅

集解文穎曰河南新鄭南至潁川南北皆韓地也以良累世相韓故因之瓚曰

轅轅險道名在緱氏東南索隱按十三州志云河南當緱氏縣以山爲名一云轅轅爲九十二曲是險道也

是時趙將司馬卬方欲渡河入關沛公乃北攻平陰

駟案地理志河南有平陰縣今河陰是也絕河津南戰雒陽東軍不利還至

陽城

正義今洛州夏禹所都

收軍中馬騎與南陽守齧戰犍東

駟案地理志南陽有犍縣破之略南陽郡南陽守齧

走保城守宛

正義守音符宛於元反括地志云南陽縣故城在宛大城之南隅其西南有二面皆

故宛城沛公引兵過而西張良諫曰沛公雖欲急入關秦

兵尚衆距險今不下宛宛從後擊彊秦在前此危道也

於是沛公乃夜引兵從他道還更旗幟黎明圍宛城三

匝

黎音犁黎猶比也謂比至天明也漢書作遲音

南攻宛匿旌旗人銜枚馬東

南陽守欲自到其舍人陳

舌雞未鳴已圍宛城三匝

恢曰死未晚也乃踰城見沛公曰臣聞足下約先入咸陽者王之今足下留守宛宛大郡之都也連城數十人

民衆積蓄多吏人自以爲降必死故皆堅守乘城

李奇

曰乘守也韋昭曰乘登也

今足下盡日止攻士死傷者必多引兵去

宛宛必隨足下後足下前則失咸陽之約後又有疆宛之患爲足下計莫若約降封其守因使止守引其甲卒與之西諸城未下者聞聲爭開門而待足下通行無所

累沛公曰善

集解徐廣曰七月也

乃以宛守爲殷侯

集隱韋昭曰在河內封

陳恢千戶引兵西無不下者至丹水

正義括地志云故丹城在鄧州內鄉

縣西南百三十里南去丹水二百步汲冢紀年云后稷放帝于丹朱于丹水是也輿地志云秦爲丹水縣也地理志云丹水縣屬弘農郡抱朴子云丹水出丹魚先夏至十日夜伺之魚浮水側光照如火網而取之割其血以塗足可以步行水上長居川中不溺

高武侯鯁

集解蘇林曰鯁音魚鯁之鯁晉灼曰功臣表戚

也襄侯王陵降西陵

集解韋昭曰漢封王陵爲安國侯初起兵時在南陽南陽有穰縣疑

襄當爲穰而無禾字省耳今邵公或作召字此類多矣瓚曰時韓成封穰侯江夏有襄是所封

還攻胡陽

集解一云

陵陵

遇番君別將梅銷與皆降析酈

集解如淳曰持益反

索隱酈誕生音錫歷蘇林如淳音擲析屬弘農酈屬南陽出地理志而左傳云析一名白羽析今內鄉縣酈今

菊潭縣也

遣魏人甯昌使秦使者未來是時章邯已以軍降

項羽於趙矣初項羽與宋義北救趙及項羽殺宋義代

爲上將軍諸將黥布皆屬破秦將王離軍降章邯諸侯

皆附及趙高已殺二世使人來欲約分王關中沛公以

爲詐乃用張良計使酈生陸賈往說秦將啗以利因襲

攻武關破之

索隱左傳云楚司馬起營所以臨上雒謂晉人曰將通於少習杜預以爲商縣武關

又太康地理志武關當冠軍縣西燒關在武關之西

又與秦軍戰於藍田南益張

疑兵旗幟諸所過母得掠鹵

集解應劭曰鹵與虜同

秦人憙秦軍

解因大破之又戰其北大破之乘勝遂破之

漢元年十月

集解如淳曰張蒼傳云以高祖十月至霸上故因秦以十月爲歲首正義沛公已未

年七月至霸上項羽封十八諸侯沛公封漢王後劉項五年戰鬪漢遂滅楚天下歸漢故却書初至霸上戰之

月沛公兵遂先諸侯至霸上

正義故霸陵在雍州萬年縣東北二十五里漢霸陵

文帝之陵邑也東南去霸陵十里地理志云霸陵故芷陽文帝更名三秦記云霸城秦穆公築爲宮因名霸城漢於北置霸陵廟記云霸城漢文帝築沛公入關遂至霸上卽此也

秦王子嬰素車白馬

係頸以組封皇帝璽符節

索隱韋昭云天子印稱璽又獨以玉符發兵將也節使者

所擁也說文云符信也漢制以竹長六寸分而相合釋名云節爲號令賞罰之節也又節毛上下相重取象竹節又漢官儀曰子嬰上始皇璽因服御之代代傳受號云漢傳國璽正義按天子有六璽皇帝行璽皇帝之璽皇帝信璽天子行璽天子之璽天子信璽皇帝信璽凡事皆用之璽令施行天子信璽以遷拜封王侯之璽以發兵皆以武都紫泥封青布索白素兩端無縫三秦記云紫泥水在今成州輿地志云漢封詔璽用紫泥則此水之降軹道旁

索隱軹音只漢書宮殿疏云枳道亭東去霸城觀四里觀東去霸水百步蘇林

云在長安東十三里正義軹音紙括地志云軹道在雍州萬年縣東北十六里苑中諸將或言誅

秦王正義楚漢春秋日樊噲請殺之沛公曰始懷王遣我固以能寬容

且人已服降又殺之不祥乃以秦王屬吏正義屬之欲反屬付也

遂西入咸陽欲止宮休舍正義休息也言欲居止宮殿中而息也樊噲張

良諫乃封秦重寶財物府庫還軍霸上召諸縣父老豪

傑曰父老苦秦苛法久矣誹謗者族正義劉伯莊樂彥同音方未反偶

語者棄市正義應劭曰秦禁民聚語偶對也贗曰始皇本紀曰偶語經書者棄市正義按禮云刑人

於市與衆棄之故今律謂絞刑爲棄也吾與諸侯約先入關者王之吾當

王關中與父老約法三章耳殺人者死傷人及盜抵罪

正義應劭曰抵至也又當也除秦酷政但至於罪也李斐曰傷人有曲直盜賊有多少罪名不可預定故凡言

抵罪未知抵何罪也張晏曰秦法一人犯罪舉家及隣
伍坐之今但當其身坐合於康誥父子兄弟罪不相及

也

緊隱韋昭云抵當也謂使各當其罪今按秦法有三

族之刑漢但約法三章耳殺人者死傷人及盜者使之
抵罪餘並不論其辜以言省刑也則抵訓餘悉除去秦
爲至殺人以外唯傷人及盜使至罪名耳

法諸吏人皆案堵如故

集解應劭曰案次第堵牆堵也

凡吾所以來爲

父老除害非有所侵暴無恐且吾所以還軍霸上待諸

侯至而定約束耳乃使人與秦吏行縣鄉邑告諭之秦

人大喜爭持牛羊酒食獻饗軍士沛公又讓不受曰倉

粟多非乏不欲費人人又益喜唯恐沛公不爲秦王或

說沛公

案楚漢春秋云解先生云遣守函谷無內項王而張良世家云鯁生說我言鯁小也小生卽

解曰秦富十倍天下地形疆今聞章邯降項羽項羽乃

號爲雍王王關中今則來沛公恐不得有此可急使兵

守函谷關

正義顏師古曰今桃林南有洪溜澗古函谷也其水北流入河西岸猶有舊關餘跡西征

記云道形如函也其水山原壁立數十仞谷中容一車無內諸侯軍稍徵關中兵

以自益距之沛公然其計從之十一月中項羽果率諸

侯兵西欲入關關門閉聞沛公已定關中大怒使黥布

等攻破函谷關十二月中遂至戲

正義許宜反

沛公左司馬

曹無傷聞項王怒欲攻沛公使人言項羽曰沛公欲王

關中令子嬰爲相珍寶盡有之欲以求封

正義曹無傷欲就項羽求

封亞父勸項羽擊沛公

范增也項羽得范增號曰亞父言尊之亞於父猶管仲齊

謂仲父父並音甫

方饗士旦日合戰是時項羽兵四十萬號百

萬沛公兵十萬號二十萬力不敵會項伯欲活張良夜

往見良因以文諭項羽

正義項羽本紀云項伯曰沛公

有大功擊之不義此以文諭之

項羽乃止沛公從百餘騎驅之鴻門

案

姚察云在新豐古城東未至戲水道南有斷原南北洞門是也

見謝項羽項羽曰此沛

公左司馬曹無傷言之不然籍何以至此沛公以樊噲

張良故得解歸歸立誅曹無傷項羽遂西屠燒咸陽秦宮室所過無不殘破秦人大失望然恐不敢不服耳項

羽使人還報懷王懷王曰如約項羽怨懷王不肯令與

沛公俱西入關而北救趙後天下約

正義懷王初約先入咸陽者王之令

羽北救趙故失約在後也

乃曰懷王者吾家項梁所立耳非有功德

何以得主約本定天下諸將及籍也乃佯尊懷王為義

帝實不用其命正月

正義崔浩云史官以正月紀四時故書正月也荀悅云先春後正月

也顏師古云凡此諸月號皆大初正曆之後記事者追改之非當時本稱也以十月為歲首即以十月為正月

今此正月當是謂之四月也他皆放此

項羽自立為西楚霸王王梁楚地

九郡都彭城負約更立沛公為漢王

正義梁州本漢中郡以漢水為名

王巴蜀漢中

集解徐廣曰三十二縣

都南鄭三分關中立秦三將

章邯為雍王

正義以岐州雍縣為名

都廢丘司馬欣為塞王

正義塞先

代反韋昭云在長安東名桃林塞按桃林塞今華州潼關也顏師古云取河華之固為扼塞耳非桃林都

櫟陽

索隱因葬太上皇改名曰萬年

董翳為翟王

正義文穎云本上郡秦所置項羽以董翳

為王更名曰翟也

都高奴楚將瑕丘申陽為河南王

正義在黃河之南故

曰河南即今河南府都洛陽趙將司馬卬爲殷王正義以商帝盤庚國殷中之地

改商爲殷在相州安陽縣卽北冢殷墟南都朝歌趙王去朝歌百三十六里故號殷王都朝歌

歇徙王代趙相張耳爲常山王都襄國當陽君黥布爲

九江王都六案隱韋昭云當陽南郡縣名地理志六安國懷王柱國共敖

爲臨江王正義孟康云本南郡改爲臨江國是也都江陵番君吳芮爲衡

山王都邾案隱太康地理志云楚滅邾遷其人於江南因名縣燕將臧荼爲燕王

都薊故燕王韓廣徙王遼東廣不聽臧荼攻殺之無終

封成安君陳餘河間三縣居南皮封梅鋗十萬戶四月

兵罷戲下正義戲音麾許慎注淮南子云戲大旗也諸侯各就國漢王之國

項王使卒三萬人從楚與諸侯之幕從者數萬人從杜

南年縣東南十五里漢杜陵縣宣帝陵邑也北去宣帝

陵五里廟記入蝕中集解李奇曰蝕音力在杜南如淳

音食王劭按說文作鍾器去輒燒絕棧道集解按系家

也棧道閣道也音士諫反包愷音士版反崔以備諸侯

盜兵襲之亦示項羽無東意至南鄭諸將及士卒多道

亡歸士卒皆歌思東歸韓信說漢王曰集解徐廣曰韓

也項羽王諸將之有功者而王獨居南鄭是遷也集解

日若有罪軍吏士卒皆山東之人也日夜跂而望歸正義

跂音丘賜反說文云跂舉及其鋒而用之可以有大功

天下已定人皆自寧不可復用不如決策東鄉爭權天

下項羽出關使人徙義帝曰古之帝者地方千里必居

上游

正義音流

乃使使徙義帝長沙郴縣趣義帝行

正義音促趣

羣臣稍倍叛之乃陰令衡山王臨江王擊之殺義帝江
南項羽怨田榮立齊將田都爲齊王田榮怒因自立爲
齊王殺田都而反楚子彭越將軍印令反梁地楚令蕭
公角擊彭越彭越大破之陳餘怨項羽之弗王已也令

夏說說田榮

正義上音悅下音稅

請兵擊張耳齊子陳餘兵擊破

常山王張耳張耳亡歸漢迎趙王歇於代復立爲趙王
趙王因立陳餘爲代王項羽大怒北擊齊八月漢王用

韓信之計從故道

集解駟案地理志武都有故道縣

還襲雍王章邯邯

迎擊漢陳倉

正義今岐州縣也

雍兵敗還走止戰好時

集解孟康曰時

音止神靈之所在也縣名屬右扶風

又復敗走廢丘漢王遂定雍地東至

咸陽引兵圍雍王廢丘

正義按荀悅漢紀令樊噲圍之

而遣諸將略定

隴西北地上郡令將軍薛歐

正義音惡后反

王吸出武關

集解按表

歐以舍人從爲將軍封廣平侯

因王陵兵南陽

集解如淳曰王

陵亦聚黨數千人居南陽

正義括地志云王陵故城在商州上洛縣南三十一里荆州記云昔漢高祖入秦王

陵起兵丹水以應之此城王陵所築因名也

以迎太公呂后於沛楚聞之發

兵距之陽夏

正義韋昭云縣名屬淮陽後屬陳夏音更雅反

不得前令故吳令

鄭昌爲韓王距漢兵

二年漢王東略地塞王欣翟王翳河南王申陽皆降韓

王昌不聽使韓信擊破之於是置隴西北地上郡渭南

集解徐廣曰後曰京兆河上集解徐廣曰馮翊中地郡集解徐廣曰扶風關外置

河南郡集解徐廣曰十月漢王至陝更立韓太尉信爲韓王諸將以

萬人若以一郡降者封萬戶繕治河上塞集解首灼曰晁錯傳秦時

北攻胡築河上塞諸故秦苑囿園池皆令人得田之正月虜雍

王弟章平大赦罪人漢王之出關至陝撫關外父老還

張耳來見漢王厚遇之二月令除秦社稷更立漢社稷

三月漢王從臨晉渡魏王豹將兵從下河內虜殷王置

河內郡南渡平陰津至雒陽新城正義括地志云洛州伊闕縣在州南七十

里本漢新城也隋文帝改新城爲伊闕取伊闕山爲名也三老董公遮說漢王正義百官

表云十里一亭亭有長十亭一鄉鄉有三老掌教化皆秦制也又樂彥云橫道自言曰遮楚漢春秋云董公八十二遂封為成侯以義帝死故漢王聞之袒而大哭集解如淳曰袒亦如

禮袒

遂爲義帝發喪臨三日發使者告諸侯曰天下共

立義帝北面事之今項羽放殺義帝於江南大逆無道寡人親爲發喪諸侯皆縞素悉發關內兵收三河士

韋昭曰河南

南浮江漢以下

兵從雍州入子午道至漢

中歷漢水而下從是東行至徐州擊楚

願從諸侯王擊楚之殺義帝者是

時項王北擊齊田榮與戰城陽田榮敗走平原

平原

是平原民殺之齊皆降楚楚因焚燒其城郭係虜其子

女齊人叛之田榮弟橫立榮子廣爲齊王齊王反楚城

陽項羽雖聞漢東既已連齊兵欲遂破之而擊漢漢王

以故得劫五諸侯兵遂入彭城項羽聞之乃引兵去齊

從魯

正義兗州曲阜也

出胡陵

正義地理志云胡陵在山陽郡

至蕭

正義徐州蕭縣

與

漢大戰彭城靈壁東

正義在徐州符離縣西北九十里

睢水上大破漢

軍多殺士卒睢水爲之不流乃取漢王父母妻子於沛

置之軍中以爲質當是時諸侯見楚彊漢敗還皆去漢

復爲楚塞王欣亡入楚呂后兄周呂侯爲漢將兵居下

邑

集解徐廣曰在梁

漢王從之稍收士卒軍碭漢王乃西過梁

地至虞

集解徐廣曰在梁

使謁者隨何之九江王布所曰公能

令布舉兵叛楚項羽必留擊之得留數月吾取天下必

矣隨何往說九江王布布果背楚楚使龍且往擊之漢王之敗彭城而西行使人求家室家室亦亡不相得敗後乃獨得孝惠六月立爲太子大赦罪人令太子守櫟陽諸侯子在關中者皆集櫟陽爲衛引水灌廢丘廢丘降章邯自殺更名廢丘爲槐里於是令祠官祀天地四方上帝山川以時祀之興關內卒乘塞

李奇曰乘守也

是時

九江王布與龍且戰不勝與隨何間行歸漢漢王稍收士卒與諸將及關中卒益出是以兵大振滎陽破楚京索間

三年魏王豹謁歸視親疾至卽絕河津反爲楚漢王使

酈生說豹豹不聽漢王遣將軍韓信擊大破之虜豹遂

定魏地置三郡曰河東

正義今蒲州也

太原

正義今并州

上黨

正義今潞

州漢王乃令張耳與韓信遂東下井陘擊趙斬陳餘趙

王歇其明年立張耳爲趙王漢王軍滎陽南築甬道

集解

甬音勇韋昭云起土築牆中間爲道應劭云恐敵抄輜重故築垣牆如街巷

屬之河以取敖

倉

正義孟康云敖地名在滎陽西北山上臨河有大倉太康地理志云秦建敖倉於成臯

與項羽

相距歲餘項羽數侵奪漢甬道漢軍乏食遂圍漢王漢王請和割滎陽以西者爲漢項王不聽漢王患之乃用陳平之計予陳平金四萬斤以間疏楚君臣於是項羽乃疑亞父亞父是時勸項羽遂下滎陽及其見疑乃怒

辭老願賜骸骨歸卒伍未至彭城而死漢軍絕食乃夜

出女子東門二千餘人被甲楚因四面擊之將軍紀信

乃乘王駕詐爲漢王誑楚楚皆呼萬歲之城東觀以故

漢王得與數十騎出西門遁令御史大夫周苛魏豹樅

公守滎陽諸將卒不能從者盡在城中周苛樅公相謂

曰反國之王難與守城因殺魏豹集解徐廣曰按月表

八月殺魏豹而又云四年三月周苛死四月魏豹死漢王

死二者不同項羽殺紀信周苛樅公皆是三年中之出滎陽入關收兵欲復東袁生說漢王曰漢與楚相

距滎陽數歲漢常困願君王出武關項羽必引兵南走

王深壁令滎陽成臯間且得休使韓信等輯河北趙地

連燕齊君王乃復走滎陽未晚也如此則楚所備者多

力分漢得休復與之戰破楚必矣漢王從其計出軍宛

葉間

正義宛於元反葉式涉反宛鄧州縣也葉汝州縣水經注云本楚惠王封諸梁子兼號曰葉城卽子

高之故與黥布行收兵項羽聞漢王在宛果引兵南漢

王堅壁不與戰是時彭越渡睢水與項聲薛公戰下邳

彭越大破楚軍項羽乃引兵東擊彭越漢王亦引兵北

軍成臯項羽已破走彭越聞漢王復軍成臯乃復引兵

西拔滎陽誅周苛樅公而虜韓王信遂圍成臯漢王跳

集解

徐廣曰音逃如淳云跳走也晉灼按劉澤

獨

與滕公共車出成臯玉門

集解徐廣曰項羽紀云北門名玉門夏侯嬰爲滕令

故呼爲滕公

北渡河馳宿修武自稱使者晨馳入張耳韓信

壁而奪之軍乃使張耳北益收兵趙地使韓信東擊齊

漢王得韓信軍則復振引兵臨河南饗軍小修武南

漢書

晉灼曰在大修武城東

欲復戰郎中鄭忠乃說止漢王使高壘深

塹勿與戰漢王聽其計使盧綰

集解蘇林曰綰音以繩綰結物之綰

劉賈

將卒二萬人騎數百渡白馬津

案隱即黎陽津也南界東郡白馬縣

入楚

地與彭越復擊破楚軍燕郭西

案隱故南燕國也在東郡秦以爲縣

遂復

下梁地十餘城淮陰已受命東未渡平原漢王使酈生

往說齊王田廣廣叛楚與漢和共擊項羽韓信用蒯通

計遂襲破齊齊王烹酈生東走高密項羽聞韓信已舉

河北兵破齊趙且欲擊楚則使龍且周蘭

集解徐廣往
日一作簡

擊之韓信與戰騎將灌嬰擊大破楚軍殺龍且齊王廣

犇彭越當此時彭越將兵居梁地往來苦楚兵絕其糧

食

四年項羽乃謂海春侯大司馬曹咎曰謹守成皐若漢

挑戰

正說桃田
弔反下同

慎勿與戰無令得東而已我十五日必

定梁地復從將軍乃行擊陳留外黃睢陽下之漢果數

挑楚軍楚軍不出使人辱之五六日大司馬怒渡兵汜

水

正說汜音祀在
成皐故城東

士卒半渡漢擊之大破楚軍盡得楚

國金玉貨賂大司馬咎長史欣皆自剄汜水上項羽至

雖陽聞海春侯破乃引兵還漢軍方圍鐘離昧於滎陽

東項羽至盡走險阻韓信已破齊使人言曰齊邊楚

文穎曰權輕不爲假王恐不能安齊漢王欲攻之留侯

曰不如因而立之使自爲守乃遣張良操印綬立韓信

爲齊王集解徐廣曰三月項羽聞龍且軍破則恐使盱台人武

涉往說韓信韓信不聽楚漢久相持未決下壯苦軍旅

老弱罷轉饑漢王項羽相與臨廣武之間而語項羽欲

與漢王獨身挑戰漢王數項羽曰始與項羽俱受命懷

王曰先入定關中者王之項羽負約王我於蜀漢罪一

集解徐廣曰項羽矯殺卿子冠軍而自尊罪二集解徐廣曰卿一作慶

音佩也

韋昭云宋義之號如淳曰卿者卿大夫之尊子者子男之爵冠者人之首也尊宋義故加此號項羽

已救趙當還報而擅劫諸侯兵入關罪三懷王約入秦

無暴掠項羽燒秦宮室掘始皇帝冢私收其財物罪四

又彊殺秦降王子嬰罪五詐阬秦子弟新安二十萬王

其將罪六項羽皆王諸將善地謂而徙逐故主

謂田氏趙歇韓廣之屬也令臣下爭叛逾罪七項羽出逐義帝彭城

自都之奪韓王地并王梁楚多自予罪八項羽使人陰

弑義帝江南罪九夫爲人臣而弑其主殺已降爲政不

平主約不信天下所不容大逾無道罪十也吾以義兵

從諸侯誅殘賊使刑餘罪人擊殺項羽何苦乃與公挑

戰項羽大怒伏弩射中漢王漢王傷胷乃捫足曰虜中

吾指

捫摸也中胷而捫足者蓋以矢初中痛悶不知所在故爾或云胷而捫足權以安士卒之心也

漢王病創臥張良彊請漢王起行勞軍以安士卒毋令

楚乘勝於漢漢王出行軍

寒孟反

病甚因馳入成臯

三輔故事曰楚漢相距於京索間六年身被大創十二矢石通中過者有四言漢王病創也

病愈西

入關至櫟陽存問父老置酒臯故塞王欣頭櫟陽市

臯縣首於木也欣自剄於汜水上今臯之於櫟陽者以舊都故臯以示之也

留四日復如軍

軍廣武關中兵益出當此時彭越將兵居梁地往來苦

楚兵絕其糧食田橫往從之項羽數擊彭越等齊王信

又進擊楚項羽恐乃與漢王約中分天下割鴻溝而西

者爲漢鴻溝而東者爲楚

索隱應劭云在滎陽東南二十里蓋引河東南入淮泗也

張華云一渠東流經浚儀是始皇所鑿引河灌大梁謂之鴻溝一渠東至陽武南爲官渡水北征記云中牟臺

下臨汴水是爲官渡水也項王歸漢王父母妻子軍中皆呼萬歲乃

歸而別去項羽解而東歸漢王欲引而西歸用留侯陳

平計乃進兵追項羽至陽夏南止軍與齊王信建成侯

彭越期會而擊楚軍至固陵不會楚擊漢軍大破之漢

王復入壁深塹而守之用張良計於是韓信彭越皆往

及劉賈入楚地圍壽春

正義壽州

今漢王敗固陵

集解晉灼曰卽固始

乃使使者召大司馬周殷舉九江兵而迎之

集解徐廣曰周殷以

兵隨

劉賈武王行屠城父

正義父音甫今亳州縣

隨何劉賈齊梁諸侯

皆大會垓下

集解徐廣曰七月

立武王布爲淮南王

五年高祖與諸侯兵共擊楚軍與項羽決勝垓下淮陰

侯將三十萬自當之孔將軍居左費將軍居右皇帝在

後絳侯柴將軍在皇帝後項羽之卒可十萬淮陰先合

不利却孔將軍費將軍縱

正義二人韓信將也縱縱兵擊項羽也以縱字爲絕句孔

將軍費侯陳賀也

楚兵不利淮陰侯復乘之

正義復侯高反乘猶

登也

進也大敗垓下項羽卒聞漢軍楚歌

索隱應劭云楚歌今鷄鳴歌也顏遊

秦云楚歌猶吳謳也按高祖令戚夫人楚舞自爲楚歌是楚人之歌聲也

以爲漢盡得楚地

項羽乃敗而走是以兵大敗使騎將灌嬰追殺項羽東

城

集解徐廣曰十二月

斬首八萬遂畧定楚地魯爲楚堅守不下

漢王引諸侯兵北示魯父老項羽頭魯乃降遂以魯公
號葬項羽穀城還至定陶馳入齊王壁奪其軍正月諸
侯及將相相與共請尊漢王爲皇帝漢王曰吾聞帝賢
者有也空言虛語非所守也吾不敢當帝位羣臣皆曰
大王起微細誅暴逆平定四海有功者輒裂地而封爲
王侯大王不尊號皆疑不信臣等以死守之漢王三讓
不得已曰諸君必以爲便便國家甲午徐廣乃卽

皇帝位汜水之陽

集解蔡邕曰上古天子稱皇其次稱帝其次稱王秦承三王之末爲漢驅

除自以德兼三皇五帝故并以爲號漢高祖受命功德
宜之因而不改正義汜音敷劔反括地志云高祖卽位
壇在曹州濟陰縣界張晏曰汜水在濟陰界取其汜愛弘大而潤下

皇帝曰義帝無後齊

王韓信習楚風俗徙爲楚王都下邳

正義音被悲反泗州下邳縣是楚王

韓信之都立建成侯彭越爲梁王都定陶

正義曹州濟陰縣城是梁王彭越之

都故韓王信爲韓王都陽翟

正義洛州陽翟縣是韓王信之都

徙衡山

王吳芮爲長沙王都臨湘

正義括地志云潭州長沙縣本漢臨湘縣長沙王吳芮都

之芮墓在長沙縣北四里番君之將梅鋗有功從入武關故德番君

淮南王布燕王臧荼趙王敖皆如故天下大定高祖都

雒陽諸侯皆屬故臨江王驩

集解徐廣曰一作尉

爲項羽叛漢

令盧綰劉賈圍之不下數月而降殺之雒陽五月兵皆

罷歸家諸侯子在關中者復之十二歲其歸者復之六

歲食之

正義食音寺

一歲高祖置酒雒陽南宮

正義括地志云南宮在雒

州雒陽縣東北二十六里洛陽故城中輿地志云秦時已有南北宮

高祖曰列侯諸將無

敢隱朕皆言其情吾所以有天下者何項氏之所以失

天下者何高起王陵對曰

集解孟康曰姓高名起瓚曰漢帝年紀高帝時有信平侯

臣陵都武侯臣起魏相丙吉奏事高帝時奏事有將軍臣陵臣起

陛下慢而侮人項羽

仁而愛人然陛下使人攻城畧地所降下者因以予之

與天下同利也項羽妬賢嫉能有功者害之賢者疑之

戰勝而不予人功得地而不予人利此所以失天下也

高祖曰公知其一未知其二夫運籌策帷帳之中決勝

於千里之外吾不如子房鎮國家撫百姓給餽饟不絕

糧道吾不如蕭何連百萬之軍戰必勝攻必取吾不如

韓信此三人皆人傑也吾能用之此吾所以取天下也
項羽有一范增而不能用此其所以爲我擒也高祖欲
長都雒陽齊人劉敬說及留侯勸上入都關中高祖是
日駕入都關中六月大赦天下十月燕王臧荼反攻下

代地高祖自將擊之得燕王臧荼卽立太尉盧縮爲燕

王使丞相噲將兵攻代其秋利幾反

正義幾音機姓名也項羽之將爲陳

縣令降漢高帝徵諸侯利幾恐故反

高祖自將兵擊之利幾走利幾者項

氏之將項氏敗利幾爲陳公不隨項羽亡降高祖高祖

侯之潁川高祖至雒陽舉通侯籍召之

集解如淳曰得在通侯之籍

而利幾恐故反

六年高祖五日一朝太公如家人父子禮太公家令說

太公曰天無二日土無二王今高祖雖子人主也太公

雖父人臣也奈何令人主拜人臣如此則威重不行後

高祖朝太公擁篲

集解李奇曰為恭也如今卒持帚者也

迎門却行高祖

大驚下扶太公太公曰帝人主也奈何以我亂天下法

於是高祖乃尊太公為太上皇

集解蔡邕曰不言帝非天子也按本紀秦

始皇追尊莊襄王為太上皇已有故事矣蓋太上者無上也皇者德大於帝故尊其父號太上皇也

心善

家令言賜金五百斤

集解顧氏按荀悅云故雖天子必有尊也無父猶設三老況其存乎

家令之言過矣晉劉寶云善其發悟已心因得尊崇父號也

十二月人有上變事告

楚王信謀反上問左右左右爭欲擊之用陳平計乃偽

遊雲夢

集解韋昭曰在南郡華容縣

會諸侯於陳楚王信迎卽因執

之是日大赦天下田肯賀

系隱漢紀及漢書作肯也

因說

高祖曰甚善陛下得韓信又治秦中

集解如淳曰時山東人謂關中爲秦

中秦形勝之國

集解張晏曰秦地帶山河得形勢之勝便者系隱韋昭云地形險固故能勝人

也帶河山之險縣隔千里持戟百萬秦得百二焉

集解應劭

曰河山之險與諸侯相懸隔地絕千里所以能禽諸侯者得天下之利百二也李斐曰河山之險由地勢高順

流而下易故天下於秦懸隔千里持戟百萬秦得百二焉蘇林曰得百中之二焉秦地險固二萬人足當諸侯

百萬人也系隱服虔云謂函谷關去長安千里爲懸隔按文以河山險固形勝其勢如隔千里虞喜云百二者

得百之二言諸侯持戟百萬秦地險固百倍於天下故云得百二焉言倍之也蓋言秦兵當二百萬也齊得十

二亦如之故爲東西秦言勢相敵但立文相避故云十

二言餘諸侯十萬齊地形勝亦倍於他國當二十萬人

地勢便利其以下兵於諸侯譬猶居高屋之上建瓴水

也集解如淳曰瓴盛水瓶也居高屋之上而翻瓴水言其向下之勢易也建音蹇晉灼曰許慎曰瓴甕似瓴

者夫齊東有琅邪卽墨之饒南有泰山之固西有濁河

之限集解晉灼曰齊西有平原河水東北過高唐高唐卽平原也孟津號黃河故曰濁河北有勃

海之利索隱崔浩云勃旁跌也旁跌出者橫在濟北故齊都賦云海旁出爲勃名曰勃海郡地方

二千里持戟百萬縣隔千里之外索隱千里之外言齊境濶不啻千里故云

千里之外齊得十二焉集解應劭曰齊得十之二故齊愍王稱東帝後復歸之卒爲秦所滅者利

鈍之勢異也李斐曰齊有山河之限地方二千里是與天下懸隔也設有持戟百萬之衆齊得十中之二焉百

萬十分之二亦二十萬也但文相避爾故言東西秦其勢亦敵也蘇林曰十二得十中之二二十萬人當百萬

言齊雖固不如秦故此東西秦也非親子弟莫可使王

二萬乃當百萬

齊矣高祖曰善賜黃金五百斤後十餘日封韓信爲淮

陰侯分其地爲二國高祖曰將軍劉賈數有功以爲荆

王

乃王吳地在淮東也姚察按虞喜云總言吳別

言荆者以山命國也今西南有荆山在陽羨界賈封

吳地而號荆王指取此義太王淮東弟交爲楚王王淮

康地理志陽羨縣本名荆溪

案

西子肥爲齊王王七十餘城民能齊言者皆屬齊

漢書音義曰此言時民流移故使齊言者還齊也

按言齊之遠國次秦中故封子肥七十餘城近齊城邑

能齊言者咸割屬齊親子

故大其都也孟說恐非乃論功與諸列侯剖符行封

徙韓王信太原

都陽翟也

七年匈奴攻韓王信馬邑

正義搜神記云昔秦人築城於武周塞以備胡城將成而

崩者數矣有馬馳走周旋反覆父老異之因依以築城

乃不崩遂名馬邑括地志云朔州城漢鴈門卽馬邑縣

城也攻韓信於馬邑卽此城

信因與同謀反太原白土

集解徐廣曰在上郡曼

丘臣王黃立故趙將趙利爲王以反高祖自往擊之會

天寒士卒墮指者什二三遂至平城

正義括地志云朔州定襄縣本漢平

城縣縣東北三十里有白登山山上有臺名曰白登臺漢書匈奴傳云冒頓圍高帝於白登七日卽此也服虔云白登臺名去平城七里李穆叔趙記云平城東七里有土山高百餘尺方十餘里亦謂此也匈奴圍

我平城七日而後罷去令樊噲止定代地立兄劉仲爲

代王二月高祖自平城過趙雒陽至長安長樂宮成丞

相已下徙治長安

集解漢儀注高祖六年更名咸陽曰長安三輔舊事渭城本咸陽地高帝

爲新城七年屬長安也

八年高祖東擊韓王信餘反寇於東垣

集解駟案地理志曰東垣高帝

更名曰

蕭丞相營作未央宮

正義

括地志云未央宮在雍州長安縣西北十里長

安故城中顏師古云未央殿雖南嚮而當上書奏事謁見之徒皆詣北闕公車司亦在北焉是則以北闕爲正

門而又有東門東闕至於西南兩面無門闕也蕭何初立未央宮以厭勝之術理宜然乎按北闕爲正者蓋象

秦作前殿渡渭水屬之咸陽以象天極闕道絕漢抵營室

立東闕北闕

集解駟案關中記曰東有

蒼龍闕北有玄武闕玄武所謂北闕案東闕名蒼龍

北闕名玄武無西南二闕者蓋蕭何以厭勝之法故不立說文云闕門觀也秦家舊宮皆在渭北而立東闕北闕蓋取其便

前殿武庫太倉高祖還見宮闕壯甚怒謂蕭何曰天下匈匈苦戰數歲成敗

未可知是何治宮室過度也蕭何曰天下方未定故可

因遂就宮室且夫天子以四海爲家非壯麗無以重威

且無令後世有以加也高祖乃說高祖之東垣過栢人

正義括地志云栢人故城在邢州栢人縣西北十二里漢栢人屬趙國趙相貫高等謀弑

高祖高祖心動因不留代王劉仲棄國亡自歸雒陽廢

以爲合陽侯正義括地志云郟陽故城在同州河西縣二里魏文侯十七年攻秦至鄭而還築在

郟水之陽也

九年趙相貫高等事發覺夷三族廢趙王敖爲宣平侯

是歲徙貴族楚昭屈景懷齊田氏關中未央宮成高祖

大朝諸侯羣臣置酒未央前殿高祖奉玉卮集解應劭曰鄉飲酒

禮器也起爲太上皇壽曰始大人常以臣無賴集解晉灼曰許

慎曰賴利也無利入於家也或曰江湖之間謂小兒多詐狡猾爲無賴不能治產業不如

仲力今某之業所就孰與仲多殿上羣臣皆呼萬歲大

笑爲樂

十年十月淮南王黥布梁王彭越燕王盧綰荆王劉賈

楚王劉交齊王劉肥長沙王吳芮皆來朝長樂宮

正義括地

志秦櫟陽故宮在雍州櫟陽縣北三十五里秦獻公所造三輔黃圖云高祖都長安未有宮室居櫟陽宮也

春夏無事七月太上皇崩櫟陽宮楚王梁王皆來送葬

集解駟案漢書云葬萬年

赦櫟陽囚更命酈邑曰新豐

正義酈音力知反括地志

云新豐故城在雍州新豐縣西南四里漢新豐宮也太上皇時悽愴不樂高祖竊因左右問故答以平生所好皆屠販少年酤酒賣餅鬪雞蹴鞠以此爲歡今皆無此故不樂高祖乃作新豐徙諸故人實之太上皇乃悅按前于酈邑築城寺徙其民實之未改其名太上皇崩後命曰新豐八月趙相國陳豨

集解

鄧展曰東海人名豨曰豨

反代地上曰豨嘗爲吾使甚有信代地吾

所急也故封豨爲列侯

集解徐廣曰豨攻定臧荼有功封陽夏侯

以相國守

代今乃與王黃等劫掠代地代地吏民非有罪也其赦代吏民九月上自東往擊之至邯鄲上喜曰豨不南據邯鄲而阻漳水吾知其無能爲也聞豨將皆故賈人也上曰吾知所以與之乃多以金啗豨將豨將多降者

十一年高祖在邯鄲誅豨等未畢豨將侯敞將萬餘人

游行王黃軍曲逆

集解文穎曰今中山蒲陰是

張春渡河

陳豨將也又劉

伯莊云彼時聊城在黃河之東王莽時乾今濁河西北也今在博州西北深丘道里記云王莽元城人居近河側祖父墳墓爲水所衝引河入深川此王莽河因枯也

擊聊城

集解徐廣曰在平原

故聊城在博州聊城縣西二十里春秋時齊之西界漢聊城攝也戰國時亦爲齊地秦漢皆爲東郡之聊城也

使將軍郭蒙與齊將擊大破之太尉周勃

集解 黜案漢書百官表曰

太尉秦官應劭曰自上安下曰尉武官悉以爲稱

道太原入定代地

集解 韋昭曰道猶從

至馬邑馬邑不下卽攻殘之豨將趙利守東垣高祖攻之不下月餘卒罵高祖高祖怒城降令出罵者斬之不

罵者原之於是乃分趙山北立子恒以爲代王都晉陽

集解 如淳曰文紀言都中都又文帝過太原復晉陽中都二歲以遷都於中都也

春淮陰侯韓

信謀反關中夷三族夏梁王彭越謀反廢遷蜀復欲反遂夷三族立子恢爲梁王子友爲淮陽王秋七月淮南王黥布反東并荆王劉賈地北渡淮楚王交走入薛高祖自往擊之立子長爲淮南王

十二年十月高祖已擊布軍會甄

集解徐廣曰在蘄縣西駟按漢書音義曰

會音僧保邑名甄音直爲反

布走令別將追之高祖還

歸過沛留置酒沛宮

正義括地志云沛宮故地在徐州沛縣東南二十里一步

悉召

故人父老子弟縱酒發沛中兒得百二十人教之歌酒

酣

集解應劭曰不醒不醉曰酣一曰酣治也

高祖擊筑

集解韋昭曰筑古樂有弦擊之不鼓

音竹應劭云狀似瑟而大頭安弦以竹擊之故名曰筑顏師古云今筑形似瑟而小細項自爲歌詩

曰大風起兮雲飛揚威加海內兮歸故鄉安得猛士兮

守四方令兒皆和習之高祖乃起舞慷慨傷懷泣數行

下謂沛父兄曰游子悲故鄉吾雖都關中萬歲後吾魂

魄猶樂思沛且朕自沛公以誅暴逆遂有天下其以沛

爲朕湯沐邑

集解 馴案風俗通義曰漢書註沛人語初發聲皆言其其者楚言也高祖始登帝位

教令言其後以爲常爾

復其民世世無有所與沛父兄諸母故人

日樂飲極驩道舊故爲笑樂十餘日高祖欲去沛父兄

固請留高祖高祖曰吾人衆多父兄不能給乃去沛中

空縣皆之邑西獻

集解 如淳曰獻牛酒

高祖復留止張

集解 張晏曰張帷帳

張亮反

飲三日沛父兄皆頓首曰沛幸得復豐未復唯

陛下哀憐之高祖曰豐吾所生長極不忘爾吾特爲其

以雍齒故反我爲魏沛父兄固請乃并復豐比沛於是

拜沛侯劉濞

集解 服虔曰濞音帔

爲吳王漢將別擊布軍洮水南

北

集解 徐廣曰洮音道在江淮間

皆大破之追得斬布鄱陽樊噲別將

兵定代斬陳豨當城

代代之縣名
義括地志云當城在朔州定襄縣界土地十三州

記云當城在高柳東八十里縣當常山故曰當城十一月高祖自布軍至長安

十二月高祖曰秦始皇帝楚隱王

楚隱世家作幽王名擇負芻之兄

陳

涉魏安釐王

史闕名昭王之祖

齊潛王

名地宣王子王建祖

趙

悼襄王

名偃孝成王丹之子幽王遷之父

皆絕無後子守冢各十家

秦皇帝二十家魏公子無忌五家赦代地吏民爲陳豨

趙利所劫掠者皆赦之陳豨降將言豨反時燕王盧綰

使人之豨所與陰謀上使辟陽侯迎綰

審食其也括地志云辟陽

故城在冀州信都縣西三十五里漢舊縣

綰稱病辟陽侯歸具言綰反有端

矣二月使樊噲周勃將兵擊燕王綰赦燕吏民與反者

立皇子建爲燕王高祖擊布時爲流矢所中行道病病甚呂后迎良醫醫入見高祖問醫醫曰病可治於是高祖嫚罵之曰吾以布衣提三尺劍取天下此非天命乎命乃在天雖扁鵲何益遂不使治病賜金五十斤罷之已而呂后問曰陛下百歲後蕭相國卽死令誰代之上曰曹參可問其次上曰王陵可然陵少戇陳平可以助之陳平智有餘然難以獨任周勃重厚少文然安劉氏者必勃也可令爲太尉呂后復問其次上曰此後亦非而所知也盧綰與數千騎居塞下候伺幸上病愈自入

謝四月甲辰高祖崩長樂宮

集解皇甫謐曰高祖以秦昭王五十一年生至漢十

二十二年
六十三

四日不發喪呂后與審食其謀曰諸將與帝爲

編戶民今北面爲臣此常怏怏今乃事少主非盡族是

天下不安人或聞之語酈將軍

集解酈案漢書曰酈商

酈將軍往

見審食其曰吾聞帝已崩四日不發喪欲誅諸將誠如

此天下危矣陳平灌嬰將十萬守滎陽樊噲周勃將二

十萬定燕代此聞帝崩諸將皆誅必連兵還鄉以攻關

中大臣內叛諸侯外反亡可翹足而待也審食其入言

之乃以丁未發喪大赦天下盧綰聞高祖崩遂亡入匈

奴丙寅葬

集解徐廣曰五月

已巳立太子

正義丙寅葬後四日至已巳即立太子爲

帝有本脫已字者妄引漢書云已下者非

至太上皇廟

正義三輔黃圖云太上皇廟在長安城香

室南馮翊府北括地志云漢太上皇廟在雍州長安縣西北長安故城中酒池之北高帝廟北高帝廟亦在故城中

也羣臣皆曰高祖起微細撥亂世反之正平定天下爲漢太祖功最高上尊號爲高皇帝太子襲號爲皇帝

孝惠帝也令郡國諸侯各立高祖廟以歲時祠及孝惠

五年思高祖之悲樂沛以沛宮爲高祖原廟

集解徐廣曰光武紀

曰上幸豐祠高祖於原廟馴按謂原者再也先旣已立廟今又再立故謂之原廟高祖所教歌

兒百二十人皆令爲吹樂後有缺輒補之高帝八男長

庶齊悼惠王肥次孝惠呂后子次戚夫人子趙隱王如

意次代王恒已立爲孝文帝薄太后子次梁王恢呂太

后時徙爲趙共王次淮陽王友呂太后時徙爲趙幽王

次淮南厲王長次燕王建

太史公曰夏之政忠忠之敝小人以野

集解鄭玄曰忠質厚也野少禮

節也故殷人承之以敬敬之敝小人以鬼

集解鄭玄曰多威儀如事鬼神

故周人承之以文文之敝小人以僂

集解徐廣曰一作薄駟按史記音隱

曰僂音西志反鄭玄曰文尊卑之差也薄苟習文法無悃誠也

鄭音先代反鄒本作薄音扶各反本一作僂而徐廣云一作薄是本互不同也然此語本出禮表

記作其民之敝利而巧文而不慙賊而蔽也裴又引音隱云僂音西志者蔽僂聲相近故以蔽爲僂爾故救僂莫若以忠

集解鄭玄曰復反始三

王之道若循環終而復始周秦之間可謂文敝矣秦政

不改反酷刑法豈不繆乎故漢興承敝易變使人不倦

得天統矣朝以十月車服黃屋左纁葬長陵

集解皇甫謚曰長陵

山東西廣百二十丈高十三丈在渭水北去長安城三十五里正義括地志云長陵在雍州咸陽縣東三十里索隱述贊曰高祖初起始自徒中言從泗上卽號沛公嘯命豪傑奮發材雄彤雲鬱傷素靈告豐龍變星聚蛇分徑空項氏主命負約棄功王我巴蜀實憤于衷三秦旣北五兵遂東汜水卽位咸陽築宮威加四海還歌大風

史記卷八

史記卷八考證

高祖本紀姓劉氏索隱因生賜姓若舜生姚墟以爲姚
姓封之於虞號有虞氏其後子孫卽遂以虞爲姓云
姓虞氏今此云姓劉氏亦其義也○吳仁傑兩漢刊
誤補遺曰索隱之說非也姓與氏相近而不同古者
賜姓名氏如賜姓曰董氏曰豢龍析姓氏而二之則
固有別矣劉氏本陶唐氏之後則劉者氏也非姓也
於此當云高祖劉氏出自祁姓可也此誤自太史公
啟之

常從王媪武負貰酒索隱鄒誕生貰音世與字林聲韻

並同又音時夜反廣雅云貫賒也說文云貫貸也臨
淮有貫陽絲漢書功臣表貫陽侯劉纏而此記射陽
則貫亦射也○顏師古曰貫賒也李登呂忱並音式
制反而今之讀者謂與射同乃引地名射陽其字作
貫以爲登驗此說非也假令地名爲射自是假借當
時所呼別有意義豈得卽定其字以爲正音乎

此兩家常折券棄責索隱周禮小司寇聽稱責以傅別
○周禮小司寇但有正之以傅別約劑之文聽稱責
以傅別本小宰職中語

生孝惠魯元公主正義漢帝制句女曰公主句儀比諸

侯句 ○推尋文義宜云漢制句 帝女曰公主句

乃以竹皮爲冠索隱應劭曰一名長冠側竹皮裹以縱
前高七寸廣三寸如板 ○後漢書輿服志云高七寸
廣三寸促漆纒爲之制如板然則側竹皮裹以縱前
七字應是竹皮裹以纒之訛

吾子白帝子也化爲蛇當道今爲赤帝子斬之集解應
劭曰秦襄公自以居西戎主少昊之神作西時祠白
帝至獻公時櫟陽雨金以爲瑞又作畦時祠白帝少
昊金德也赤帝堯後謂漢也殺之者明當漢滅秦也
秦自謂水漢初自謂土皆失之至光武乃改定 ○黃

氏曰抄曰白帝子注謂指秦葉碧菴先生以爲西楚
徐孚遠曰沈休文以爲白帝金也金生水白帝之子
水赤帝火也火生土赤帝之子土也然則秦自謂水
漢自謂土不爲失也失在誤以赤帝子爲赤帝也

高祖覺索隱包愷伯莊音古孝反○伯莊上直有劉字
隱於芒碭山澤巖石之間正義括地志云宋州碭山縣
在州東一百五十里本漢碭陽縣也○陽字疑衍

季所居上常有雲氣正義顏師古曰京房易兆候云○
隋書經籍志作易飛候

還攻外黃索隱韋昭云上陳留縣○上字衍外黃縣屬

陳留郡蓋云陳留之縣耳或上字係在字之訛下縣字衍

因襲攻武關破之索隱左傳云楚司馬起營所以臨上雒○哀四年左傳云司馬起豐析與狄戎以臨上雒封皇帝璽符節正義天子信璽以遷拜封王侯之璽以發兵○據唐書禮志之璽上有天子二字

漢王堅壁不與戰○一本無王字

十月燕王臧荼反○凌稚隆曰十月字疑誤高祖用秦正十月後事當屬次年

高祖雖子人主也○王若虛辨惑曰是時未有高祖號

劉子元辨之誠中其病漢書改爲皇帝是矣

其以沛爲朕湯沐邑集解駟案風俗通義曰漢書注沛人語初發聲皆言其其者楚言也高祖始登帝位教令言其後以爲常爾○王若虛辨惑曰予謂不然戒辭用其字自是本法古文如是者何可勝舉而云楚語獨爾不亦妄乎

楚隱王陳涉索隱世家作幽王名擇負芻之兄○臣世

駁

按此五字相連始皇本紀云陳勝自立爲楚王月表云二世元年七月楚隱王陳涉起兵入秦陳涉世家云陳勝葬碭諡曰隱王高祖時爲陳涉置守冢三

十家場至今血食索隱乃截楚隱王三字另作一人而楚無此王則以幽王當之殊屬牽強且幽王亦名悼不名擇也或以六國爲疑則燕韓業已不與安見楚之必不可遺哉

高祖崩長樂宮集解皇甫謐曰高祖以秦昭王五十一年生至漢十二年六十三○臣世駿按高祖生年乙巳至是年丙午當是六十二

朝以十月車服黃屋左纛○左監本訛作志今改正

史記卷八考證

史記卷九

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

呂后本紀第九

索隱呂太后本以女主臨朝自孝惠崩後立少帝而始稱制正合附惠紀而論之不然或別爲

呂后本紀豈得全沒孝惠而獨稱呂后本紀合依班氏分爲二紀焉

呂太后者 集解徐廣曰呂后父呂公漢元年爲臨泗侯四年卒高后元年追諡曰呂宣王 高祖

徵時妃也 集解駟案漢書音義曰 諱雉 索隱 字娥姁也 生孝惠帝 集解駟案漢書音義

曰諱

女魯元太后及高祖爲漢王得定陶戚姬

集解如淳曰姬

音怡衆妾之總稱也漢官曰姬妾數百蘇林曰清河國有妃里而題門作姬嬪曰漢秩祿令及茂陵書姬內官

也秩比二千石位次婕妤下在七子八子之上

淳音怡非也茂陵書云姬是內官是矣然官號及婦人通稱姬者姬周之姓所以左傳稱伯姬叔姬以言天子

之宗女貴於他姓故遂以姬爲婦人美號故詩曰雖有姬姜不棄顛悴是也

愛幸生趙隱王如意孝惠爲人仁弱高祖以爲不類我常欲廢太子立戚姬子如意如意類我戚姬

幸常從上之關東日夜啼泣欲立其子代太子呂后年

長常留守希見上益疏如意立爲趙王後幾代太子者

數矣

黎隱幾音其紀反又音祈

賴大臣爭之及留侯策

黎隱謂張良叔孫通等令

太子卑詞安車以迎四皓也

太子得毋廢呂后爲人剛毅佐高祖定

天下所誅大臣多呂后力呂后兄二人皆爲將長兄周

呂侯

集解徐廣曰名澤高祖八年卒諡令武侯追諡曰悼武王

死事封其子呂台爲

酈侯

集解徐廣曰酈一作鄭索隱鄭鄒台並音怡蘇林音胎

子產爲交侯

集解徐廣曰台

弟也次兄呂釋之爲建成侯

集解徐廣曰惠帝二年卒諡康王

高祖十二

年四月甲辰崩長樂宮太子襲號爲帝是時高祖八子

長男肥孝惠兄也異母

索隱母曰曹姬

肥爲齊王餘皆孝惠弟

戚姬子如意爲趙王薄夫人子恒爲代王諸姬子子恢

爲梁王子友爲淮陽王子長爲淮南王子建爲燕王高

祖弟交爲楚王兄子濞爲吳王非劉氏功臣番君吳芮

子臣爲長沙王呂后最怨戚夫人及其子趙王乃令丞

巷囚戚夫人而召趙王

集解如淳曰列女傳曰周宣王后脫簪珥待罪永巷後改爲掖

庭
韋昭云以爲在掖門內故謂之掖庭也

使者三反趙相

建平侯周昌謂使者曰高帝屬臣趙王趙王年少竊聞

太后怨戚夫人欲召趙王并誅之臣不敢遣王王且亦

病不能奉詔呂后大怒迺使人召趙相趙相徵至長安

迺使人復召趙王王來未到孝惠帝慈仁知太后怒自

迎趙王霸上與入宮自挾與趙王起居飲食太后欲殺

之不得間孝惠元年十二月帝晨出射趙王少不能蚤

起太后聞其獨居使人持醪飲之

集解應劭曰醪鳥食蝮以其羽畫酒中飲

之立

犁明孝惠還

集解徐廣曰犁猶比也

趙王已死於

是乃徙淮陽王友爲趙王夏詔賜酈侯父追諡爲令武

侯

索隱 令音齡

太后遂斷戚夫人手足去眼燂耳飲瘖藥使

居廁中命曰人彘居數日迺召孝惠帝觀人彘孝惠見問知其戚夫人迺大哭因病歲餘不能起使人請太后曰此非人所爲臣爲太后子終不能治天下孝惠以此日飲爲淫樂不聽政故有病也二年楚元王齊悼惠王皆來朝十月孝惠與齊王燕飲太后前孝惠以爲齊王兄置上坐如家人之禮太后怒迺令酌兩卮酖置前令齊王起爲壽齊王起孝惠亦起取卮欲俱爲壽太后乃恐自起泛孝惠卮

索隱 泛音捧汎也

齊王怪之因不敢飲詳醉

去問知其醜齊王恐自以爲不得脫長安憂齊內史士

集解徐廣說王曰太后獨有孝惠與魯元公主集解如淳曰公

日一作羊傳曰天子嫁女於諸侯必使諸侯同姓者主之故謂之公主百官表列侯所食曰國皇后公主所食曰邑諸

侯王女曰公主蘇林曰公五等尊爵也春秋聽臣子以稱君父婦人稱主有主孟陷我之比故云公主瓚曰天

子之女雖食湯沐之邑不君其民索隱陷音徒濫反主是謂里克妻卽優施之語事見國語孟者且也言且陷

我物我教汝婦事夫之道此卽今王有七十餘城而公婦人稱主之意耳比音必二反

主迺食數城王誠以一郡上太后爲公主湯沐邑太后

必喜王必無憂於是齊王迺上城陽之郡尊公主爲王

太后集解如淳曰張敖子偃爲呂后喜許之迺置酒齊

邸正義漢法諸侯各樂飲罷歸齊王三年方築長安城

起邸第於京師

四年就半五年六年城就

漢宮闕疏四年築東面五年築北面漢舊儀城方六

十三里經緯各十二里三輔舊事云城形似北斗也

諸侯來會十月朝賀七年秋

八月戊寅孝惠帝崩

集解皇甫謐曰帝以秦始皇三十七年生崩時年二十三

發喪

太后哭泣不下留侯子張辟彊爲侍中

集解應劭曰入侍天子故曰侍

中年十五謂丞相曰太后獨有孝惠今崩哭不悲君知

其解乎

正義解紀賣反言哭解情有所思也又音戶賣反解節解也又紀買反謂解說也

丞相

曰何解辟彊曰帝毋壯子

音無母

太后畏君等君今請

拜呂台呂產呂祿爲將將兵居南北軍及諸呂皆入宮

居中用事如此則太后心安君等幸得脫禍矣丞相迺

如辟彊計太后說其哭迺哀呂氏權由此起迺大赦天

月辛丑葬

集解駟案漢書云葬安陵皇覽曰山高

而謚曰去長陵十里
長安北三十五里

太子卽位爲帝謁高廟元年號

一出太后太后稱制議欲立諸呂爲王問右丞相王

陵王陵曰高帝刑白馬盟曰非劉氏而王天下共擊之

今王呂氏非約也太后不說問左丞相陳平絳侯周勃

勃等對曰高帝定天下王子弟今太后稱制王昆弟諸

呂無所不可太后喜罷朝王陵讓陳平絳侯曰始與高

帝噠血盟

蘇隱噠鄒音使接反又
云或作唾又音丁牒反

諸君不在邪今高帝

崩太后女主欲王呂氏諸君縱欲阿意背約何面目見

高帝地下陳平絳侯曰於今面折廷爭臣不如君夫全

社稷定劉氏之後君亦不如臣王陵無以應之十一月

太后欲廢王陵乃拜爲帝太傅

集解應劭曰古官傅者覆也瓚曰大戴禮曰傅

之德

義奪之相權王陵遂病免歸廼以左丞相平爲右丞

相以辟陽侯審食其爲左丞相

索隱章昭云辟陽信都之縣名

左丞相

不治事令監宮中如郎中令食其故得幸太后常用事

公卿皆因而決事迺追尊酈侯父爲悼武王欲以王諸

呂爲漸四月太后欲侯諸呂迺先封高祖之功臣郎中

令無擇

集解徐廣曰姓馮

爲博城侯

正義括地志云兗州博城本漢博城縣城

魯元

公主薨賜諡爲魯元太后子偃爲魯王魯王父宣平侯

張敖也封齊悼惠王子章爲朱虛侯

索隱虛音墟琅邪縣也正義括地志

云朱虛故城在青州臨朐縣東六十里漢朱虛也十三州志云丹朱遊故虛故云朱虛也虛猶邱也朱猶丹也

以呂祿女妻之齊丞相壽爲平定侯

集解徐廣曰姓齊

少府延

爲梧侯

集解徐廣曰姓陽成也延以軍匠起作宮築城也

乃封呂種爲沛侯

集解

徐廣曰釋之之子也 正義括地志云徐州沛縣古城也

呂平爲扶柳侯

集解徐廣曰太后姊

子也母字長姁

正義括地志云扶柳故城在冀州信都縣西三十里澤中多柳故曰扶柳

張買爲南

宮侯

集解徐廣曰其父越人爲高祖騎將

太后欲王呂氏先立孝惠後宮

子彊爲淮陽王

集解韋昭曰今陳留郡

子不疑爲常山王

正義括地志云

常山故城在恒州真定縣南八里本漢東垣邑也

子山爲襄城侯

案按下文更名義又改

名弘農漢書襄城侯唯云名弘蓋史省文按志襄城屬潁川

子朝爲軹侯

案韋昭云河內有

軹縣音紙

正義

括地志云故軹城在懷州終原縣東南十三里七國時魏邑

子武爲壺關侯

太后風大臣大臣請立酈侯呂台爲呂王

正義初呂台爲呂王後呂

產王梁更名梁曰呂

太后許之建成康侯釋之卒嗣子有罪廢立

其弟呂祿爲胡陵侯

正義縣名屬山陽章帝改曰胡陸

續康侯

集解徐廣曰祿

釋之少子

後二年常山王薨以其弟襄城侯山爲常山王更

名義十一月呂王台薨諡爲肅王太子嘉代立爲王三

年無事

集解駟案漢書云秋星晝見

四年封呂頹爲臨光侯呂他爲

俞侯

集解他音陶俞音輸德州平原縣西南二十里

正義括地志云故鄒城在

呂

更始爲贅其侯

集解徐廣曰表云呂后弟子淮陽丞相呂勝爲贅其侯
正義按表贅其在臨淮

呂忿爲呂城侯

正義括地志云故呂城在鄧州南陽縣西三十里呂尚先祖封

及諸侯

丞相五人

集解徐廣曰中邑侯朱通山都侯王恬開松茲侯徐厲滕侯呂更始醴陵侯越

宣平

侯女爲孝惠皇后時無子佯爲有身取美人子名之

劉伯莊云諸美人元幸呂氏懷身而入宮生子

殺其母立所名子爲太子孝惠

崩太子立爲帝帝壯或聞其母死非眞皇后子迺出言曰后安能殺吾母而名我我未壯壯卽爲變太后聞而患之恐其爲亂迺幽之永巷中言帝病甚左右莫得見太后曰凡有天下治爲萬民命

集解徐廣曰無此字

者蓋之如

天容之如地上有懽心以安百姓百姓欣然以事其上懽欣交通而天下治今皇帝病久不已迺失惑昏亂不能繼嗣奉宗廟祭祀不可屬天下其代之羣臣皆頓首言皇太后爲天下齊民計所以安宗廟社稷甚深羣臣

頓首奉詔帝廢位太后幽殺之五月丙辰立常山王義
爲帝更名曰弘不稱元年者以太后制天下事也以軹
侯朝爲常山王置太尉官絳侯勃爲太尉五年八月淮
陽王薨以弟壺關侯武爲淮陽王六年十月太后曰呂
王嘉居處驕恣廢之以肅王台弟呂產爲呂王夏赦天
下封齊悼惠王子興居爲東牟侯韋昭云東萊縣七年正月
太后召趙王友友以諸呂女爲后弗愛愛他姬諸呂女
妬怒去讒之於太后誣以罪過曰呂氏安得王太后百
歲後吾必擊之太后怒以故召趙王趙王至置邸不見
令衛圍守之弗與食其羣臣或竊饋輒捕論之趙王餓

乃歌曰諸呂用事兮劉氏危迫脅王侯兮疆授我妃我
妃既妬兮誣我以惡讒女亂國兮上曾不寤我無忠臣
兮何故棄國自決中野兮蒼天舉直

徐廣曰

于嗟

不可悔兮寧蚤自財爲王而餓死兮誰者憐之呂氏絕

理兮託天報仇丁丑趙王幽死以民禮葬之長安民豕

次巳丑日食晝晦太后惡之心不樂乃謂左右曰此爲

我也二月徙梁王恢爲趙王呂王產徙爲梁王梁王不

之國爲帝太傅立皇子平昌侯太爲呂王更名梁曰呂

呂曰濟川太后女弟呂須

韋昭云樊
贈妻封臨光侯

有女爲營陵

侯劉澤妻澤爲大將軍太后王諸呂恐卽崩後劉將軍

爲害乃以劉澤爲琅邪王以慰其心梁王恢之徙王趙
心懷不樂太后以呂產女爲趙王后王后從官皆諸呂
擅權微伺趙王趙王不得自恣王有所愛姬王后使人
酖殺之王乃爲歌詩四章令樂人歌之王悲六月卽自
殺太后聞之以爲王用婦人棄宗廟禮廢其嗣宣平侯
張敖卒以子偃爲魯王敖賜諡爲魯元王秋太后使使
告代王欲徙王趙代王謝願守代邊太傅產丞相平等
言武信侯呂祿集解徐廣曰呂后兄子也前封胡陵侯蓋號曰武信上侯位次一
集解如淳曰功大者位在上功請立爲趙王太后許
臣侯表有第一第二之次也之追尊祿父康侯爲趙昭王九月燕靈王建薨有美人

子太后使人殺之無後國除八年十月立呂肅王子東

平侯呂通爲燕王封通弟呂莊爲東平侯三月中呂后

祓還

正義祓芳弗反又音廢後同

過軹道見物如蒼犬據高后掖

徐廣曰據音載

忽弗復見卜之云趙王如意爲祟高后遂病掖

傷高后爲外孫魯元王偃年少蚤失父母孤弱廼封張

敖前姬兩子侈爲新都侯壽爲樂昌侯

集解徐廣曰今細陽之池陽

以輔魯元王偃及封中大謁者張釋爲建陵侯

集解徐廣曰一

云張釋卿駟案如淳曰百官表謁者掌賓贊受事灌嬰爲中謁者後常以奄人爲之諸官加中者多奄人也

呂榮爲祝茲侯

集解徐廣曰呂后昆弟子

諸中宦者令丞皆爲關內

侯食邑五百戶

集解如淳曰列侯出關就國關內侯但爵其身有加異者與關內之邑食其租

稅也風俗通義曰秦時六國未平將帥皆家關中稱關內侯

七月中高后病甚迺令

趙王呂祿爲上將軍軍北軍呂王產居南軍呂太后誠

產祿曰高帝已定天下與大臣約曰非劉氏王者天下

共擊之今呂氏王大臣弗平我卽崩帝年少大臣恐爲

變必據兵衛宮慎毋送喪毋爲人所制辛巳高后崩遺

詔賜諸侯王各千金

集解蔡邕曰皇子封爲王者其實古諸侯也加號稱王故謂之諸侯

王王子封爲侯者謂之諸侯

將相列侯郎吏皆以秩賜金大赦天下

以呂王產爲相國以呂祿女爲帝后高后已葬

集解皇甫謐曰

合葬長陵皇覽曰高帝呂后山各一所也

以左丞相審食其爲帝太傅朱虛

侯劉章有氣力東牟侯興居其弟也皆齊哀王弟居長

安當是時諸呂用事擅權欲爲亂畏高帝故大臣絳灌等未敢發朱虛侯婦呂祿女陰知其謀恐見誅乃陰令人告其兄齊王欲令發兵西誅諸呂而立朱虛侯欲從中與大臣爲應齊王欲發兵其相弗聽八月丙午齊王欲使人誅相相召平乃反舉兵欲圍王王因殺其相遂發兵東詐奪琅邪王兵并將之而西語在齊王語中齊王乃遣諸侯王書曰高帝平定天下王諸子弟悼惠王王齊悼惠王薨孝惠帝使留侯良立臣爲齊王孝惠崩高后用事春秋高聽諸呂擅廢帝更立又比殺三趙王

索隱

比音如字比猶類也趙隱王如意趙幽王友趙王恢是三趙王也

如滅梁趙燕以王諸

呂分齊爲四忠臣進諫上惑亂弗聽今高后崩而帝春
秋富未能治天下固恃大臣諸侯而諸呂又擅自尊官
聚兵嚴威劫列侯忠臣矯制以令天下宗廟所以危寡
人率兵入誅不當爲王者漢聞之相國呂產等乃遣潁
陰侯灌嬰將兵擊之灌嬰至滎陽乃謀曰諸呂權兵關
中欲危劉氏而自立今我破齊還報此益呂氏之資也
乃留屯滎陽使使諭齊王及諸侯與連和以待呂氏變
共誅之齊王聞之乃還兵西界待約呂祿呂產欲發亂
關中內憚絳侯朱虛等外畏齊楚兵又恐灌嬰畔之欲
待灌嬰兵與齊合而發猶與未決

索隱猶鄒音以獸反
與音預又作豫崔浩

云猶猿類也。印鼻長尾性多疑。又說文云：猶獸名，多疑。故比之也。按狐性亦多疑，度冰而聽水聲，故云狐疑也。今解者又引老子與猶子冬涉川，猶子若畏四隣，故以爲猶與。且按狐聽水而此云猶子冬涉川，則猶與是狐類，不疑若畏四隣，則猶定是獸。當是時濟川王太淮陽自不保同類，故云畏四隣也。

王武常山王朝名爲少帝弟及魯元王呂后外孫皆年少未之國居長安趙王祿梁王產各將兵居南北軍皆呂氏之人列侯羣臣莫自堅其命太尉絳侯勃不得入軍中主兵曲周侯酈商老病其子寄與呂祿善絳侯乃與丞相陳平謀使人劫酈商令其子寄往給說呂祿曰高帝與呂后共定天下劉氏所立九王索隱吳楚齊淮南琅邪代常山索隱王朝淮陽王武濟川王太是九王也呂氏立三王索隱梁王產趙王祿燕王通也皆大臣

之議事已布告諸侯諸侯皆以爲宜今太后崩帝少而足下佩趙王印不急之國守藩乃爲上將將兵留此爲大臣諸侯所疑足下何不歸將印以兵屬太尉請梁王歸相國印與大臣盟而之國齊兵必罷大臣得安足下高枕而王千里此萬世之利也呂祿信然其計欲歸將印以兵屬太尉使人報呂產及諸呂老人或以爲便或曰不便計猶豫未有所決呂祿信酈寄時與出游獵過其姑呂嬃嬃大怒曰若爲將而棄軍呂氏今無處矣

顏師古以爲言見誅滅無處所也

乃悉出珠玉寶器散堂下曰無爲他人守也左丞相食其免八月庚申旦平陽侯窋行御史

大夫事見相國產計事郎中令賈壽使從齊來因數產
曰王不蚤之國今雖欲行尚可得邪具以灌嬰與齊楚
合從欲誅諸呂告產乃趣產急入宮平陽侯頗聞其語
乃馳告丞相太尉太尉欲入北軍不得入襄平侯通尚

符節

集解徐廣曰姓紀張晏曰紀信子也尚主也今符節令索隱張晏云紀信子又晉灼云信被焚死不

見有後按功臣表襄平侯紀通父成以將軍定三秦死事子侯則通非信子張說謬誤乃令持節

矯內太尉北軍太尉復令酈寄與典客劉揭集解駟案漢書百官

表曰典客秦官也掌諸侯歸義蠻夷先說呂祿曰帝使太尉守北軍欲足

下之國急歸將印辭去不然禍且起呂祿以爲酈兄集解

徐廣曰音況字也名寄不欺已遂解印屬典客而以兵授太尉太

尉將之入軍門行令軍中曰爲呂氏右禮爲劉氏左禮
軍中皆左禮爲劉氏太尉行至將軍呂祿亦已解上將
印去太尉遂將北軍然尚有南軍平陽侯聞之以呂產
謀告丞相平丞相平迺召朱虛侯佐太尉太尉令朱虛
侯監軍門令平陽侯告衛尉毋入相國產殿門呂產不
知呂祿已去北軍迺入未央宮欲爲亂殿門弗得入徘
徊往來平陽侯恐弗勝馳語太尉太尉尚恐不勝諸呂
未敢訟言誅之

集解徐廣曰訟一作公駟按韋昭曰訟猶公也

然蓋公爲得之公言猶明言也又解者云訟誦說也

迺遣朱虛侯謂曰急入宮衛

帝朱虛侯請卒太尉子卒千餘人入未央宮門遂見產

廷中日舖時遂擊產產走天風大起以故其從官亂莫

敢鬪逐產殺之郎中府吏廁中

集解如淳曰百官表郎中令掌官殿門戶故其

府在宮中後轉爲光祿勳也

朱虛侯已殺產帝命謁者持節勞朱虛

侯朱虛侯欲奪節信謁者不肯朱虛侯則從與載因節
信馳走斬長樂衛尉呂更始還馳入北軍報太尉太尉
起拜賀朱虛侯曰所患獨呂產今已誅天下定矣遂遣
人分部悉捕諸呂男女無少長皆斬之辛酉捕斬呂祿
而笞殺呂頹使人誅燕王呂通而廢魯王偃壬戌以帝
太傅食其復爲左丞相戊辰徙濟川王王梁立趙幽王
子遂爲趙王遣朱虛侯章以誅諸呂氏事告齊王令罷

兵灌嬰兵亦罷滎陽而歸諸大臣相與陰謀曰少帝及
梁淮陽常山王皆非真孝惠子也呂后以計詐名他人
子殺其母養後宮令孝惠子之立以爲後及諸王以彊
呂氏今皆已夷滅諸呂而置所立即長用事吾屬無類
矣不如視諸王最賢者立之或言齊悼惠王高帝長子
今其適子爲齊王推本言之高帝適長孫可立也大臣
皆曰呂氏以外家惡而幾危宗廟亂功臣今齊王母家
駟鈞駟鈞惡人也卽立齊王則復爲呂氏欲立淮南王
以爲少母家又惡迺曰代王方今高帝見子最長仁孝
寬厚太后家薄氏謹良且立長故順以仁孝聞於天下

便迺相與共陰使人召代王代王使人辭謝再反然後

乘六乘傳

集解張晏曰備漢朝有變欲馳還也或曰傳車六乘

後九月

集解文穎曰即閏九月

月也時律曆廢不知閏謂之後九月也以十月爲歲首至九月則歲終後九月則閏月

晦日己酉

至長安舍代邸大臣皆往謁奉天子璽上代王共尊立

爲天子代王數讓羣臣固請然後聽東牟侯興居曰誅

呂氏吾無功請得除宮迺與太僕汝陰侯滕公入宮前

謂少帝曰足下非劉氏不當立乃顧摩左右執戟者掙

兵罷去

集解徐廣曰掙音仆

有數人不肯去兵宦者令張澤諭告

亦去兵滕公迺召乘輿車載少帝出

集解蔡邕曰律曰敢盜乘輿服御物

天子至尊不敢溲瀆言之故託於乘輿也乘猶載也輿猶車也天子以天下爲家不以京師宮室爲常處則當

乘車輿以行天下故羣臣託乘
輿以言之也故或謂之車駕
少帝曰欲將我安之乎

滕公曰出就舍舍少府迺奉天子法駕

集解蔡邕曰天子有大駕小駕

法駕上乘金根車駕六馬有五時副車駕四馬侍中參乘屬車三十六乘

迎代王於邸報曰

宮謹除代王卽夕入未央宮有謁者十人持戟衛端門
曰天子在也足下何爲者而入代王迺謂太尉太尉往
諭謁者十人皆搃兵而去代王遂入而聽政夜有司分
部誅滅梁淮陽常山王及少帝於邸代王立爲天子二
十三年崩諡爲孝文皇帝

太史公曰孝惠皇帝高后之時黎民得離戰國之苦君
臣俱欲休息乎無爲故惠帝垂拱高后女主稱制政不

出房戶天下晏然刑罰罕用罪人是希民務稼穡衣食

滋殖

索隱述贊曰高祖猶微呂氏作妃及正軒掖尚私食
其志懷安忍性挾猜疑置鳩齊悼殘穢戚姬孝惠崩
殞其哭不悲諸呂用事天下示私大臣
菹醢支孽芟夷禍盈斯驗蒼狗爲菑

史記卷九

史記卷九考證

呂氏本紀廼令酌兩卮酖置前○酖監本訛作酌今改正

太后欲侯諸呂廼先封高祖之功臣郎中令無擇爲博城侯正義括地志云兗州博城本漢博城縣城○二城字皆誤宜云本漢博縣漢博縣屬泰山郡

齊丞相壽爲平定侯集解徐廣曰姓齊○功臣表作齊受此作壽

封呂類爲臨光侯呂他爲俞侯更始爲贅其侯集解徐廣曰表云呂后弟子淮陽丞相呂勝爲贅其侯又呂

忿爲呂成侯及諸侯丞相五人集解徐廣曰中邑侯
朱通山都侯王恬開松茲侯徐厲滕侯呂更始醴陵
侯越○臣世駿按贅其侯名似應從年表作勝侯更

始自屬滕侯之名本文偶誤耳否則同時受封者有
兩呂更始未必然也滕侯與贅其皆諸侯相贅其呂
侯昆弟子滕侯不詳支屬而皆以八年坐呂后事誅
則其爲同宗可知然贅其不入侯相之例而滕侯不
附諸呂之中其以親疏別歟

取美人子名之正義劉伯莊云諸美人元幸呂氏懷身
而入宮生子○徐孚遠曰本言張皇后無子不言惠

帝無子美人子卽後宮所生非必元幸呂氏懷身而入宮者

臣照

按年表孝惠後宮子在呂后時爲王者

至孝文時並以非皇子誅此紀云夜有司分部誅滅梁淮陽常山王及少帝於邸如果孝惠子則古今儒者能不議絳灌爲篡弑耶且孝文寬仁豈有誅戮孝惠子孫之理劉伯莊語豈爲無據徐孚遠駁之非也見物如蒼犬據高后掖○后監本訛作氏今改正

封張敖前姬兩子侈爲新都侯壽爲樂昌侯○年表新都作信都壽作受張耳陳餘傳云壽爲樂昌侯與此同侈爲信都侯與年表同三處互異

呂榮爲祝茲侯○

臣世駿

按年表祝茲侯呂榮注索隱

曰漢書作琅琊松茲侯徐厲注徐廣曰松一作祝廣
蓋以文帝紀云祝茲侯軍棘門而絳侯世家亦云祝
茲侯徐厲軍棘門也徐厲封於高后四年在呂榮前
中間未嘗失封則榮不得封于祝茲明矣似應從漢
書爲是但上年方以劉澤爲琅邪王而榮復爲琅邪
侯豈琅邪有王國又侯國耶

史記卷十

漢 太 史 令司馬遷 撰

宋中郎外兵曹參軍裴駙集解

唐國子博士弘文館學士司馬貞索隱

唐諸王侍讀率府長史張守節正義

孝文本紀第十

孝文皇帝

集解駙案漢書音義曰諱恒

高祖中子也高祖十一年春

已破陳豨軍定代地立爲代王都中都

音義括地志云中都故城在汾

州平遙縣西南十二里秦屬太原郡也

太后薄氏子卽位十七年高后八

年七月高后崩九月諸呂呂產等欲爲亂以危劉氏大

臣共誅之謀召立代王事在呂后語中丞相陳平太尉周勃等使人迎代王代王問左右郎中令張武等張武等議曰漢大臣皆故高帝時大將習兵多謀詐此其屬意非止此也特畏高帝呂太后威爾今已誅諸呂新噍

血京師

集解駟案公羊傳曰京大帥衆也天子之居必以衆大之辭言也索隱漢書噍作喋音貼丁喋

反漢書陳湯杜業皆言喋血無盟歎事廣雅云喋履也謂履涉之

此以迎大王爲名實

不可信願大王稱疾毋往以觀其變中尉宋昌進曰索隱

東觀漢記宋楊傳宋義後有宋昌又會稽典錄昌宋義孫也

羣臣之議皆非也夫秦

失其政諸侯豪傑並起人人自以爲得之者以萬數然

卒踐天子之位者劉氏也天下絕望一矣高帝封王子

弟地犬牙相制

索隱言封子弟境土交接若犬之牙不正相當而相銜入也

此所謂

磐石之宗也

索隱言其固如磐石此語見太公六韜

天下服其疆二矣漢

興除秦苛政約法令施德惠人人自安難動搖三矣夫

以呂太后之嚴立諸呂爲三王擅權專制然而太尉以

一節入北軍

索隱卽紀通所矯帝之節

一呼士皆左袒爲劉氏叛諸

呂卒以滅之此乃天授非人力也今大臣雖欲爲變百姓弗爲使其黨寧能專一邪方今內有朱虛東牟之親外畏吳楚淮南琅邪齊代之疆方今高帝子獨淮南王與大王大王又長賢聖仁孝聞於天下故大臣因天下之心而欲迎立大王大王勿疑也代王報太后計之猶

與未定卜之龜卦兆得大橫

集解應劭曰以荆灼龜文正橫

占曰大橫

庚庚余爲天王夏啓以光

集解服虔曰庚橫貌也李奇曰庚其絲文也張晏曰橫行

無思不服庚更也言去諸侯而卽帝位也先是五帝官天下老則禪賢王啓始傳父爵乃能光洽先君之基業文帝亦襲父迹言似夏啓者也索隱荀悅云大橫龜兆橫理也按庚猶更言以諸侯更帝位也繇抽也所以抽出吉凶之情也杜預云繇兆辭也音胄漢書蓋寬饒云五帝官天下三王家天下官以傳賢人家以傳子孫官猶公也謂不私也代王曰寡人固已爲王矣又何王卜人曰所

謂天王者乃天子於是代王乃遣太后弟薄昭往見絳

侯絳侯等具爲昭言所以迎立王意薄昭還報曰信矣

毋可疑者代王乃笑謂宋昌曰果如公言乃命宋昌參

乘張武等六人乘傳詣長安至高陵休止

正義括地志云高陵故城

在雍州高陵縣西南一里本名橫橋駕渭水上三輔舊事云秦於渭南有興樂宮渭北有咸陽宮秦昭王欲通二宮之間造長橫橋三百八十步橋北京石水中舊有村留神像此神會與魯班語班令其出留曰我貌醜卿善圖物容不出班於是拱手與語日出頭見我留乃出首班以脚畫地村留覺之便沒水故置其像於水上唯

有腰以上魏太祖馬

而使宋昌先馳之長安觀變昌至

渭橋

蘇林曰渭橋在長安北三里咸陽宮在渭北興樂宮在渭南秦昭王通兩宮之

間作渭橋長三百八十步又關中記云

石柱以北屬扶風石柱以南屬京兆也

丞相以下皆迎

宋昌還報代王馳至渭橋羣臣拜謁稱臣代王下車拜

太尉勃進曰願請問言

包愷音閑言欲向空閒處語顏師古云問容也猶言中間

請容暇之頃當有所

陳不欲卽公論也 宋昌曰所言公公言之所言私王

者不受私太尉乃跪上天子璽符代王謝曰至代邸而

議之

說文云
邸屬國舍

遂馳入代邸羣臣從至丞相陳平太

尉周勃大將軍陳武御史大夫張蒼宗正劉郢

案漢書

百官表曰宗正秦官應劭曰
周成王時彤伯入爲宗正

朱虛侯劉章東牟侯劉興

居典客劉揭皆再拜言曰子弘等皆非孝惠帝子不當

奉宗廟臣謹請與陰安侯

蘇林曰高帝兄伯
妻羨頡侯終母丘嫂也

列侯

頃王后

徐廣曰代頃王劉仲之妻駟按蘇林曰仲
子漚爲吳王故追諡爲頃王也如淳曰頃王后

封陰安侯時呂類爲臨光侯蕭何夫人亦爲鄼侯又宗
室表此時無陰安知其爲頃王后也

韋昭以爲二人封號而樂彥如淳以頃王后別封陰安
侯與漢祠令相會今以陰安是別人封爵非也頃王后

是代頃王后文帝之伯母代王降爲郃陽侯
故云列侯頃王后韋昭曰陰安屬魏郡也

與琅邪王

宗室大臣列侯吏二千石議曰大王高帝長子宜爲高

帝嗣願大王卽天子位代王曰奉高帝宗廟重事也寡

人不佞不足以稱宗廟願請楚王計宜者

蘇林曰楚王名交高

帝弟交高帝弟最尊言更請楚王計宜者故下云皆爲宜也

寡人不敢當羣臣皆

伏固請代王西鄉讓者三南鄉讓者再

如淳曰讓羣臣也或曰賓

主位東西面君臣位南北面故西鄉坐三讓不受羣臣猶稱宜乃更迴坐示變卽君位之漸也

丞相平

等皆曰臣伏計之大王奉高帝宗廟最宜稱雖天下諸

侯萬民以爲宜臣等爲宗廟社稷計不敢忽願大王幸

聽臣等臣謹奉天子璽符再拜上代王曰宗室將相王

列侯以爲莫宜寡人寡人不敢辭遂卽天子位羣臣以

禮次侍乃使太僕嬰與東牟侯興居清宮

應劭曰舊典天子行

幸所至必遣靜宮令先案行清靜殿中以虞非常按漢儀云皇帝起居索室清宮而後行奉天子

法駕迎于代邸

案漢官儀云天子鹵簿有大駕法駕小駕大駕公卿奉引大將軍參乘屬車

八十一乘法駕公卿不在鹵簿中惟京兆尹執金吾長安令奉引侍中參乘屬車三十六乘

皇帝卽

日夕入未央宮乃夜拜宋昌爲衛將軍鎮撫南北軍以

張武爲郎中令行殿中還坐前殿於是夜下詔書曰間

者諸呂用事擅權謀爲大逆欲以危劉氏宗廟賴將相

列侯宗室大臣誅之皆伏其辜朕初卽位其赦天下賜

民爵一級女子百戶牛酒

蘇林曰男賜爵女子賜牛酒

牛一頭酒十石樂彥云婦人無夫或無子不露爵故賜之酺五日

文穎曰漢律三人已上無故羣

飲罰金四兩今詔橫賜得令會聚飲食五日說文云酺王者布德大飲酒也出錢爲釀出食爲酺又按趙

武靈王滅中山酺五日是其所起遠也

孝文皇帝元年十月庚戌徙立故琅邪王澤爲燕王辛

亥皇帝卽阼

正義主人階也

謁高廟右丞相平徙爲左丞相

禮記

此時尙右

太尉勃爲右丞相大將軍灌嬰爲太尉諸呂所奪

齊楚故地皆復與之王子遣車騎將軍薄昭迎皇太后于代皇帝曰呂產自置爲相國呂祿爲上將軍擅矯遣灌將軍嬰將兵擊齊欲代劉氏嬰留滎陽弗擊與諸侯合謀以誅呂氏呂產欲爲不善丞相陳平與太尉周勃謀奪呂產等軍朱虛侯劉章首先捕呂產等太尉身率襄平侯通持節承詔入北軍典客劉揭身奪趙王呂祿

印益封太尉勃萬戶賜金五千斤丞相陳平灌將軍嬰
邑各三千戶金二千斤朱虛侯劉章襄平侯通東牟侯
劉興居邑各二千戶金千斤

集解徐廣曰十一月辛丑

封典客揭爲

陽信侯

案隱韋昭云勃海縣在滄州無棣縣東南三十里漢陽信縣

故賜

金千斤十二月上曰法者治之正也所以禁暴而率善
人也今犯法已論而使毋罪之父母妻子同產坐之及
爲收孥朕甚不取其議之有司皆曰民不能自治故爲
法以禁之相坐坐收所以累其心使重犯法所從來遠
矣如故便上曰朕聞法正則民慤罪當則民從且夫牧
民而導之善者吏也其旣不能導又以不正之法罪之

是反害於民爲暴者也何以禁之朕未見其便其孰計
之有司皆曰陛下加大惠德甚盛非臣等所及也請奉
詔書除收孥諸相坐律令

集解應劭曰孥子也秦法一人有罪并坐其家室今除此

律

正月有司言曰蚤建太子所以尊宗廟請立太子上

曰朕既不德上帝神明未歆享天下人民未有嗛志

嗛者不滿之意也未有嗛志言天下皆志不滿也漢書嗛作慝音篋今縱不能博求天下

賢聖有德之人而禪天下焉而曰豫建太子是重吾不

德也謂天下何其安之

言何以謂於天下也其發聲也安者徐也言徐徐以待也

有司曰豫建太子所以重宗廟社稷不忘天下也上曰

楚王季父也春秋高閱天下之義理多矣

集解如淳曰閹猶言多所

更歷也 明於國家之大體吳王於朕兄也惠仁以好德淮

南王弟也秉德以陪朕

集解文類曰陪輔也

豈爲不豫哉諸侯王

宗室昆弟有功臣多賢及有德義者若舉有德以陪朕
之不能終是社稷之靈天下之福也今不選舉焉而曰
必子人其以朕爲忘賢有德者而專於子非所以憂天
下也朕甚不取也有司皆固請曰古者殷周有國治安
皆千餘歲古之有天下者莫不長焉用此道也

集解言古之有

天下者無長於立子故云莫長焉用此道者用殷周立子之道故安治十有餘歲也立嗣必子所

從來遠矣高帝親率士大夫始平天下建諸侯爲帝者

太祖諸侯王及列侯始受國者皆亦爲其國祖子孫繼

嗣世世弗絕天下之大義也故高帝設之以撫海內今

釋宜建而更選於諸侯及宗室非高帝之志也更議不

宜言不子某最長純厚慈仁請建以爲太子上乃

許之因賜天下民當代父後者爵各一級韋昭曰文帝以立子

爲後不欲獨饗其福故封將軍薄昭爲軹侯徐廣曰正月乙

賜天下爲父後者爵也三月有司請立皇后薄太后曰諸侯皆同姓立太子

母爲皇后謂帝之子爲諸侯王皆同姓氏皇后姓

竇氏上爲立后故賜天下鰥寡孤獨窮困及年八十已

上孤兒九歲已下布帛米肉各有數上從代來初卽位

施德惠天下填撫諸侯四夷皆洽驩乃循從代來功臣

上曰方大臣之誅諸呂迎朕朕狐疑皆止朕唯中尉宋昌勸朕朕以得保奉宗廟已尊昌爲衛將軍其封昌爲

壯武侯

徐廣曰四月辛亥封封三十四年景帝中四年奪侯國除

志云壯武侯故城在萊州卽墨縣西六十里古萊夷國有漢壯武縣故城

諸從朕六人官皆

至九卿

漢置九卿一曰太常二曰光祿三曰衛尉四曰太僕五曰廷尉六曰大鴻臚七曰宗正八

曰大司農九曰少府是爲九卿也

上曰列侯從高帝入蜀漢中者六十

八人皆益封各三百戶故吏二千石以上從高帝潁川

守尊等十人食邑六百戶淮陽守申屠嘉等十人五百

戶衛尉定等十人四百戶封淮南王舅父趙兼爲周陽

侯

括地志云周陽故城在絳州聞喜縣東二十九里

齊王舅父駟鈞爲清郭

侯

集解如淳曰邑名六國時齊有清郭君清音靜索隱按表駟鈞封鄆侯不同者蓋後徙封於鄆鄆屬鉅鹿

秋封故常山丞相蔡兼爲樊侯

索隱韋昭云樊東平縣名正義括地志云漢樊

縣城在兗州瑕邱西南二十五里地理志云樊縣古樊國仲山甫所封

人或說右丞相曰

君本誅諸呂迎代王今又矜其功受上賞處尊位禍且

及身右丞相勃乃謝病免罷左丞相平專爲丞相

集解徐廣

日八
月中

二年十月丞相平卒復以絳侯勃爲丞相上曰朕聞古

者諸侯建國千餘歲各守其地以時入貢民不勞苦上

下驩欣靡有遺德今列侯多居長安邑遠吏卒給輸費

苦而列侯亦無由教馴其民

正義馴古訓字

其令列侯之國爲

吏及詔所止者遣太子

集解張晏曰爲吏謂以卿大夫爲兼官者詔所止特以恩愛見

留者十一月晦日有食之

正義按說文云日蝕則朔月蝕則望而云晦日食之恐曆錯誤

十二月望日又食

集解徐廣曰此云望日又食按漢書及五行志無此日蝕文也一本作月

食然史書不紀月蝕

上曰朕聞之天生蒸民爲之置君以養治之

人主不德布政不均則天示之以菑以誠不治乃十一

月晦日有食之適見于天菑孰大焉朕獲保宗廟以微

眇之身託于兆民君王之上天下治亂在朕一人唯二

三執政猶吾股肱也朕下不能理育羣生上以累三光

之明其不德大矣令至其悉思朕之過失及知見思之

所不及白以告朕及舉賢良方正能直言極諫者以匡

朕之不逮因各飭其任職務省繇費以便民朕既不能

遠德故憫然念外人之有非

集解駟案漢書音義曰憫然猶介然也非奸非也

隱蘇林云憫寢視不安之貌蓋近其意餘說皆疎音下故反

是以設備未息今縱不

能罷邊屯戍而又飭兵厚衛其罷衛將軍軍太僕見馬

遺財足

索隱遺猶留也財字與纜同言太僕見在之馬今留纜足充事也

餘皆以給置

傳

索隱按廣雅云置驛也續漢書云驛馬三十里一置故樂彥亦云傳置一也言乘傳者以傳次受名乘置

者以馬取匹傳音丁戀反如淳云律四馬高足爲傳置四馬中足爲馳置下足爲乘置一馬二馬爲軺置急乘

一馬曰乘也

正月上曰農天下之本其開籍田

集解應劭曰古者天子耕

籍田千畝爲天下先籍者帝王典籍之常章昭曰籍借也借民力以治之以奉宗廟且以勸率天下使務農也

贊曰景帝詔曰朕親耕后親桑爲天下先本朕親率耕以躬親爲義不得以假借爲稱也籍蹈籍也

以給宗廟粢盛

集解應劭曰黍稷曰粢在器中曰盛

三月有司請立皇子

爲諸侯王上曰趙幽王幽死朕甚憐之已立其長子遂

爲趙王遂弟辟彊及齊悼惠王子朱虛侯章東牟侯興

居有功可王乃立趙幽王少子辟彊爲河間王以齊劇

郡立朱虛侯爲城陽王立東牟侯爲濟北王皇子武爲

代王子參爲太原王子揖爲梁王上曰古之治天下朝

有進善之旌

集解應劭曰旌旛也堯設之五達之道令民進善也如淳曰欲有進善者立於旌下

言誹謗之木

集解服虔曰堯作之橋梁交午柱頭應劭曰橋梁邊板所以書政治之愆失也至秦

去之今乃復施也案按尸子云堯立誹謗之木誹音

非亦音沸韋昭云慮政有闕失使書於木此堯時然也後代因以爲飾今宮外橋梁頭四柱木是鄭玄注禮云一縱一橫爲午謂以木貫表柱四出卽今之華表崔浩

以爲木貫柱四出名桓陳楚俗桓聲
近和又云和表則華與和又相訛也
所以通治道而來

諫者今法有誹謗妖言之罪是使衆臣不敢盡情而上

無由聞過失也將何以來遠方之賢良其除之民或祝

詛上以相約結而後相謾
集解駟案漢書音義曰民相結共祝詛上也謾者而後謾

而止之不畢祝詛也
索隱韋昭云謾相抵闌也說文云謾欺也謂初相約共行祝後相欺誑中道而止之也

吏以爲大逆其有他言而吏又以爲誹謗此細民之愚

無知抵死朕甚不取自今以來有犯此者勿聽治九月

初與郡國守相爲銅虎符竹使符
集解應劭曰銅虎符第一至第五國家當

發兵遣使者至郡合符符合乃聽受之竹使符皆以竹
箭五枚長五寸鐫刻篆書第一至第五張晏曰符以代

古之珪璋從簡易也
索隱漢舊儀銅虎符發兵長六寸竹使符出入徵發說文云符分而合之小顏云右留京

師左與之古今註云銅虎符銀錯書之張晏云銅取其同心也

三年十月丁酉晦日有食之十一月上日前日計遣列

侯之國或辭未行丞相朕之所重其爲朕率列侯之國

絳侯勃免丞相就國以太尉潁陰侯嬰爲丞相罷太尉

官屬丞相四月城陽王章薨淮南王長與從者魏敬殺

辟陽侯審食其五月匈奴入北地居河南爲寇帝初幸

甘泉

集解蔡邕曰天子車駕所至民臣以爲僥倖故曰幸至見令長三老官屬親臨軒作樂賜食帛越中

刀佩帶民爵有級數或賜田租之半故因是謂之幸

應劭云甘泉宮名在雲陽一名林光臣贊云甘泉山名林光秦離宮名又顧氏按邢承宗西征賦註云甘泉水名今按因地有甘泉以名山則山水皆通也

六
月帝曰漢與匈奴約爲昆弟毋使害邊境所以輸遺匈

奴甚厚今右賢王離其國將衆居河南降地非常故往
來近塞捕殺吏卒驅保塞蠻夷令不得居其故陵轍邊
吏入盜甚敖無道非約也其發邊吏騎八萬五千詣高
奴遣丞相頽陰侯灌嬰擊匈奴匈奴去發中尉

案漢書

百官表曰
中尉秦官

材官屬衛將軍軍軍長安辛卯帝自甘泉之高

奴因幸太原見故羣臣皆賜之舉功行賞諸民里賜牛

酒復晉陽中都民

正義晉陽故城在汾州
平遙縣西南十三里

三歲留游太

原十餘日濟北王興居聞帝之代欲往擊胡乃反發兵

欲襲滎陽於是詔罷丞相兵遣棘蒲侯陳武爲大將軍

將十萬往擊之祁侯賀爲將軍軍滎陽

徐廣曰賀
姓繪以文帝十

一年卒諡曰敬系隱漢書音義祁音遲賀姓繪繪古國
夏同姓也正義括地志云并州祁縣城晉大夫祁奚之

邑

七月辛亥帝自太原至長安乃詔有司曰濟北王背

德反上誑誤吏民爲大逆濟北吏民兵未至先自定及

以軍地邑降者皆赦之復官爵與王興居去來亦赦之

集解徐廣曰乍去乍來也駟按張晏曰雖始與興居反今降赦之

八月破濟北軍虜其

王赦濟北諸吏民與王反者

六年有司言淮南王長廢先帝法不聽天子詔居處毋
度出入擬於天子擅爲法令與棘蒲侯太子奇謀反遣
人使閩越及匈奴發其兵欲以危宗廟社稷羣臣議皆
曰長當棄市帝不忍致法於王赦其罪廢勿王羣臣請

處王蜀嚴道邛都

集解徐廣曰漢書本或作邛字或直云邛熨邛都乃本是西南夷爾時未

通嚴道有邛熨山

正義

邛其恭反括地志云嚴道今爲縣卽邛州所理縣也縣有蠻夷曰道故曰嚴道邛都縣

本都國漢爲縣今雋州也西南夷傳云滇池以北君長

以十數邛都最大是也按羣臣請處淮南王長蜀之嚴

道不爾更遠邛都西有邛熨山也又云邛熨山在雅州

榮經縣界榮經武德年間置本秦嚴地華陽國志云邛

笮山故邛人笮人界也山巖峭峻曲回九折乃至上下

有疑冰按卽王尊登者也今從九折西南行至雋州山

多雨少晴俗呼名爲漏天

帝許之長未到處所行病死上憐之後十

六年追尊淮南王長諡爲厲王立其子三人爲淮南王

名安衡山王

名勃廬江王

名賜

名賜

名賜

阜陵侯也

安陽侯也

廬江王

周陽侯也

十三年夏上曰蓋聞天道禍自怨起而福繇德興百官

之非宜由朕躬今祕祝之官移過于下

集解應劭曰祕

祝之官移過于

之非宜由朕躬今祕祝之官移過于下

祝之官移過于

祝之官移過于

祝之官移過于

下國家諱之故曰祕

以彰吾之不德朕甚不取其除之五月齊太

倉令淳于公有罪當刑

案隱名意爲齊太倉令故謂太倉公也

詔獄逮徒

繫長安太倉公無男有女五人太倉公將行會逮罵其

女曰生子不生男有緩急非有益也其少女緹縈

案隱緹音

帝鄒氏音體也

自傷泣乃隨其父至長安上書曰妾父爲吏齊

中皆稱其廉平今坐法當刑妾傷夫死者不可復生刑者不可復屬雖復欲改過自新其道無由也妾願沒入爲官婢贖父刑罪使得自新書奏天子天子憐悲其意乃下詔曰蓋聞有虞帝之時畫衣冠異章服以爲僇

案隱

晉書刑法志云三皇設言而民不違五帝畫衣冠而民知禁犯黥者皁其中犯劓者丹其服犯贖者墨其體犯

宮者雜其履大辟之罪殊刑之極布其
衣裾而無領緣投之於市與衆棄之
而民不犯何則

至治也今法有肉刑三而姦不止

集註李奇曰約法三章無肉刑文帝則有

肉刑孟康曰黥劓二左右趾合一凡三

趾黥劓之屬崔浩漢律序云文帝除肉刑而宮不易張

斐註云以淫亂人其咎安在非乃朕德薄而教不明歟

吾甚自愧故夫馴道不純而愚民陷焉詩曰愷悌君子

民之父母今人有過教未施而刑加焉或欲改行爲善

而道無由也朕甚憐之夫刑至斷支體刻肌膚終身不

息何其楚痛而不德也豈稱爲民父母之意哉其除肉

刑上曰農天下之本務莫大焉今勤身從事而有租稅

之賦是爲本末者無以異其於勸農之道未備其除田

之租稅

集解李奇曰本農也末賈也言農與賈俱出租無異也故除田租

十四年冬匈奴謀入邊爲寇攻朝那塞殺北地都尉卬

集解徐廣曰姓孫封其子單爲緡侯匈奴所殺

上乃遣三將軍軍隴西北地上

郡中尉周舍爲衛將軍郎中令張武爲車騎將軍軍渭

北車千乘騎卒十萬帝親自勞軍勒兵申教令賜軍吏

卒帝欲自將擊匈奴羣臣諫皆不聽皇太后固要帝

如淳曰必不得自征也

帝乃止於是以前東陽侯張相如爲大將軍

成侯赤爲內史

集解徐廣曰赤姓董

欒布爲將軍擊匈奴匈奴遁

走春上曰朕獲執犧牲珪幣以事上帝宗廟十四年于

今歷日縣長以不敏不明而久撫臨天下朕甚自愧其

廣增諸祀墀瑋幣昔先王遠施不求其報望祀不祈

其福右賢左戚

集解韋昭曰右猶高左猶下也索隱劉德云先賢後親也

先民後已

至明之極也今吾聞祠官祝釐

集解如淳曰釐福也賈誼傳受釐坐宣室

音禧

皆歸福朕躬不爲百姓朕甚愧之夫以朕不德而

躬享獨美其福百姓不與焉是重吾不德其令祠官致

敬毋有所祈是時北平侯張蒼爲丞相方明律歷魯人

公孫臣上書陳終始傳五德事

索隱五行之德帝王相承傳易終而復始故云

終始傳五德之事傳音轉也

言方今土德時土德應黃龍見當改正

朔服色制度天子下其事與丞相議丞相推以爲今水

德始明正十月上黑事以爲其言非是請罷之

十五年黃龍見成紀

集解韋昭曰成紀縣屬天水

天子乃復召魯公

孫臣以爲博士申明土德事於是上乃下詔曰有異物

之神見於成紀無害於民歲以有年朕親郊祀上帝諸

神禮官議毋諱以勞朕

集解駟案漢書音義曰言無所諱勿以朕爲勞

有司禮

官皆曰古者天子夏躬親禮祀上帝於郊故曰郊於是

天子始幸雍郊見五帝以孟夏四月答禮焉趙人新垣

平以望氣見因說上設立渭陽五廟

集解韋昭曰在渭城

欲出周

鼎當有玉英見

集解駟案瑞應圖云玉英五常並脩則見

十六年上親郊見渭陽五帝廟亦以夏答禮而尙赤

十七年得玉杯

集解應劭曰新垣平詐令人獻之

刻曰人主延壽於是

天子始更爲元年

秦本紀惠文王十四年更爲元年又汲冢竹書魏惠王亦有後元當

取法於此又按封禪書以新垣平候日再中故改元也

令天下大酺其歲新垣平

事覺夷三族後二年上曰朕旣不明不能遠德是以使

方外之國或不寧息夫四荒之外不安其生

顧角按爾雅孤

竹北戶西王母曰下謂之四荒

封畿之內勤勞不處二者之咎皆自於

朕之德薄而不能遠達也間者累年匈奴並暴邊境多

殺吏民邊臣兵吏又不能諭吾內志以重吾不德也夫

久結難連兵中外之國將何以自寧今朕夙興夜寐勤

勞天下憂苦萬民爲之怛惕不安未嘗一日忘於心故

遣使者冠蓋相望結軼

音轍

於道以諭朕意於單于

韋昭

曰使車往還故轍如結也相如曰結軌還轍音逸漢書作轍顧氏按司馬彪云結謂車轍回旋錯也今單于反古之道計社稷之安便萬民之利親與朕

俱棄細過偕之大道結兄弟之義以全天下元元之民

索隱戰國策云制海內子元元非兵不可高誘註云元

元善也又按姚察云古者謂人云善人也因善為元故

云黎元其言元元者非一人也顧野王云元

元猶喁喁可憐愛貌未安其說聊記異也 和親已定

始于今年後六年冬匈奴三萬人入上郡三萬人入雲

中以中大夫令勉集解徐廣曰衛尉改名也駟案漢書

非此年也索隱中大夫令是官號勉其名後此官改為

光祿勳虞世南以此稱中大夫令是史家追書爾顏遊

秦以令是姓勉是名為中大夫為車騎將軍軍飛狐

據風俗通令姓令尹子文之後

如淳曰在代郡故楚相蘇意為將軍軍軍句注集解應劭

蘇林曰在上黨

也鴈門陰館伏儼

將軍張武屯北地河內守周亞

夫爲將軍居細柳

集解徐廣曰在長安西駟按如淳曰長安圖細柳倉在渭北近石徹張揖

曰在昆明池南今有柳市是也索隱按三輔故事細柳在直城門外阿房宮西北維又匈奴傳云細柳在長安

西如淳云在渭北非也宗正劉禮爲將軍居霸上祝茲侯

集解徐廣曰表

作松茲侯軍棘門集解徐廣曰在渭北駟按孟康曰在長安北秦時宮門也如淳曰三輔黃

圖棘門在橫門外以備胡數月胡人去亦罷天下旱蝗帝加惠

令諸侯毋入貢弛山澤

集解韋昭曰弛廢廢其常禁以利民

減諸服御狗

馬損郎吏員發倉庾以振貧民

集解應劭曰水漕倉曰庾胡公曰在邑曰倉在

野曰庾郭璞註三蒼云庾倉無屋也胡公名廣後漢太尉作漢官解詁也

民得賣爵

索隱崔浩

云富人欲爵貧人欲錢故聽買賣

孝文帝從代來卽位二十三年宮室

苑囿狗馬服御無所增益有不便輒弛以利民嘗欲作

露臺

集解徐廣曰露一作靈索隱顧氏按新豐南驪山上猶有臺之舊趾也

召匠計之直

百金上曰百金中民十家之產吾奉先帝宮室常恐羞

之何以臺爲上常衣綈衣

集解如淳曰賈誼云身衣皂綈

所幸慎夫人

令衣不得曳地幃帳不得文繡以示敦朴爲天下先治

霸陵皆以瓦器不得以金銀銅錫爲飾不治墳欲爲省

毋煩民南越王尉佗自立爲武帝然上召貴尉佗兄弟

以德報之佗遂去帝稱臣與匈奴和親匈奴背約入盜

然令邊備守不發兵深入惡煩苦百姓吳王詐病不朝

就賜几杖羣臣如袁盎等稱說雖切常假借用之

集解蘇林

曰假音休假借者以初借人

羣臣如張武等受賂遺金錢覺上乃發

御府金錢賜之以愧其心弗下吏專務以德化民是以

海內殷富興於禮義後七年六月己亥帝崩於未央宮

集解

徐廣曰

遺詔曰朕聞蓋天下萬物之萌生靡不有

死死者天地之理物之自然者奚可甚哀當今之時世

咸嘉生而惡死厚葬以破業重服以傷生吾甚不取且

朕既不德無以佐百姓今崩又使重服久臨以離寒暑

之數哀人之父子傷長幼之志損其飲食絕鬼神之祭

祀以重吾不德也謂天下何朕獲保宗廟以眇眇之身

託于天下君王之上二十有餘年矣賴天地之靈社稷

之福方內安寧

集韻 瓚曰方四方也
內中也猶云中外也

靡有兵革

集韻 徐廣曰一

云方內安
兵革息

朕既不敏常畏過行以羞先帝之遺德維年

之久長懼于不終今乃幸以天年得復供養于高廟朕

之不明與嘉之

如淳曰與發聲
也得卒天年已善矣

其奚哀悲之有其

令天下吏民令到出臨三日皆釋服毋禁取婦嫁女祠

祀飲酒食肉者自當給喪事服臨者皆無踐

服虔曰踐躡也

謂無斬衰也孟康曰踐躡也晉灼曰漢語作
蹴蹴徒蹴也

漢語是書名荀爽所作 經帶無過

三寸毋布車及兵器

集韻 應劭曰無以布衣車及
兵器也不施輕車介士也

毋發

人男女哭臨宮殿宮殿中當臨者皆以旦夕各十五舉

聲禮畢罷非旦夕臨時禁毋得擅哭已下服大紅十五

日小紅十四日織七日釋服

集解服虔曰當言大功小功布也織細布衣也應劭

曰紅者中祥大祥以紅爲領緣也織者禱也凡三十六日而釋服

索隱已下謂極已下於擴劉德云紅功也男故以系工爲字三十六日以日易月也

佗不在令中

者皆以此令比率從事布告天下使明知朕意霸陵山

川因其故

集解應劭曰因山爲藏不復起墳山下川流不遇絕也就其水名以爲陵號

索隱霸是水名水徑於山亦曰霸山卽芷陽地也

毋有所改歸夫人以下至少使

集解應劭

曰夫人以下有美人良人八子七子長使少使凡七輩皆遣歸家重絕人類也

令中尉亞夫爲

車騎將軍屬國悍爲將屯將軍

集解徐廣曰悍姓徐駟按漢書百官表典屬國

秦官掌蠻夷降者李奇曰馮奉世爲右將軍以將屯將軍爲名此監主諸屯也

郎中令武爲復

土將軍

集解如淳曰主穿壙填瘞事者

索隱復音伏謂穿壙出上下棺已而填之卽以爲墳故云復土

復反還也 又音福 發近縣見卒萬六千人發內史卒萬五千人

百官表云內史掌理京師之官景帝更名京兆尹 藏郭穿復土屬將軍武乙

已 集解駟案漢書云乙已葬皇甫謚曰霸陵去長安七十里 羣臣皆頓首上尊號曰

孝文皇帝太子卽位于高廟丁未襲號曰皇帝孝景皇

帝元年十月制詔御史蓋聞古者祖有功而宗有德

應劭曰始取天下者爲祖高帝稱高祖是也始治天下者爲宗文帝稱太宗是也 制禮樂各有

由聞歌者所以發德也舞者所以明功也高廟酎 張晏

曰正月旦作酒八月成名曰酎酎之言純也至武帝時因八月嘗酎會諸侯廟中出金助祭所謂酎金也 奏

武德文始五行之舞 集解孟康曰武德高祖所作也文始舜舞也五行周舞也武德者其

舞人執干戚文始舞執羽籥五行舞冠冕服法五行色見禮樂志 應劭云禮樂志文始舞本舜韶舞高祖

更名文始示不相襲五行舞本周武舞秦始皇更名五行舞按今言奏武德文始五行之舞者其樂總象武王樂言高祖以武定天下既示不相襲其作樂之始先奏文始以羽籥衣文繡居先次即奏五行五行即武舞執干戚而衣有五行之色也

孝惠廟耐奏文始五行之舞孝文皇帝臨

天下通關梁不異遠方

張晏曰孝文十二年除關不用傳令遠近若一

除誹

謗去肉刑賞賜長老收恤孤獨以育羣生減嗜欲不受

獻

徐廣曰減一作減

不私其利也罪人不帑

蘇林曰刑不及妻子

誅無罪除肉刑出美人重絕人之世朕既不敏不能識

此皆上古之所不及而孝文皇帝親行之德厚侔天地

日

李奇曰侔齊等

利澤施四海靡不獲福焉明象乎日月而廟

樂不稱朕甚懼焉其為孝文皇帝廟為昭德之舞

文穎

曰景帝采高祖武德舞作昭德舞舞之於文帝廟見禮樂志

以明休德然後祖宗之

功德著於竹帛施於萬世永永無窮朕甚嘉之其與丞相列侯中二千石禮官具爲禮儀奏丞相臣嘉等言陛下永思孝道立昭德之舞以明孝文皇帝之盛德皆臣嘉等愚所不及臣謹議曰功莫大於高皇帝德莫盛於孝文皇帝高皇廟宜爲帝者太祖之廟孝文皇帝廟宜爲帝者太宗之廟天子宜世世獻祖宗之廟郡國諸侯宜各爲孝文皇帝立太宗之廟諸侯王列侯使者侍祠

天子歲獻祖宗之廟

張晏曰王及列侯歲時遣使諸京師侍祠助祭也如淳曰若光

武廟在章陵南陽太守稱使者往祭是也不使侯王請祭者諸侯不得祖天子也凡臨祭祀宗廟皆爲侍祭請

著之竹帛宣布天下制曰可

太史公曰孔子言必世然後仁

集解孔安國曰三十年日世如有受命王者必

三十年仁政乃成

善人之治國百年亦可以勝殘去殺

集解王肅曰勝

殘暴之人使不爲惡去殺不用殺也

誠哉是言漢興至孝文四十有餘載

德至盛也廩廩鄉改正服封禪矣謙讓未成於今嗚呼豈不仁哉

索隱述贊曰孝文在代兆遇大橫宋昌建策絳侯奉迎南面而讓天下歸誠務農先籍布德偃兵除帑削

謗政簡刑清綈衣率俗露臺不營法寬

張武獄恤緹縈霸陵如故千年頌聲

史記卷十

史記卷十考證

孝文本紀至高陵休止正義三輔舊事云秦於渭南有興樂宮渭北有咸陽宮秦昭王欲通二宮之間造橫長橋三百八十步橋北京石水中有村留神像○京石二字不可解水經注云橋之南北有隄激立石柱柱南京兆主之柱北馮翊主之有令丞各領徒一千五百人橋之北首壘石水中故謂之石柱橋也則京石或係壘石之訛

羣臣以禮次侍○侍監訛作待今改正

天下人民未有慊志○顧炎武曰此與樂毅傳先王以

爲慊於志同皆厭足之意荀子惘然不慊又曰由俗謂之道盡慊也又曰嚮萬物之美而不能慊也又曰不自矜其行者言濫過戰國策齊桓公夜半不矜又膳啗之矜於口並是慊字而誤從口大學此之謂自謙亦慊字而誤從言呂氏春秋苟可以慊劑貌辨者吾無辭爲也亦慊字而誤從人

諸侯皆同姓立太子母爲皇后索隱謂帝之子爲諸侯王皆同姓姓生也言皆同母生故立太子母也○顧炎武曰文帝前后死竇氏妾也諸侯皆同姓謂無甥舅之國可娶索隱解非

乃循從代來功臣○余有丁曰循謂次及之也漢書作
修字

封齊王舅父駟鈞爲清郭侯索隱按表駟鈞封鄔侯不

同者蓋後徙封於鄔○臣世駿按年表作清都徐廣

曰一作鄔索隱曰漢表作鄔此注誤脫漢字但年表

駟鈞以文帝元年封前六年有罪國除享國甚短並

無徙封之說年表例凡始封某後別封者俱次第詳

載并注明轉徙絕續之由鈞果徙封絕與表何以止

錄其前封而表則直書其以清都失國耶恐郭都鄔

鄔俱以偏傍形似而差如曹疇曹壽曹時之類其作

鄭與鄔者又并清字脫去耳

白以告朕○徐孚遠曰白宜作丐疑字訛也

復晉陽中都民三歲正義晉陽故城在汾州平遙縣西
南○顧炎武曰此當言中都故城在汾州平遙縣西
南言晉陽誤也然此注已見卷首中都下

畫衣冠異章服以爲僂正義晉書刑法志云三皇設言
而民不違五帝畫衣冠而民知禁○晉書刑法志云
五帝畫象而民知禁

祝茲侯軍棘門集解徐廣曰表作松茲侯姓徐名悍○

臣祖庚

按年表松茲侯徐厲始封厲傳子悼文帝七

年侯悼元年也棘門之屯文帝後六年事自當是悼
爲將軍其時厲死久矣然周勃世家又明云祝茲侯
徐厲軍棘門豈悼嗣侯於文帝後七年年表脫一後
字耶二者必有一誤悼之與悍亦未知孰是

史記卷十考證

史記卷十一

漢 太 史 令司馬遷 撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

孝景本紀第十一

孝景皇帝者

集解駟案漢書音義曰諱啓
正義曰繇義而濟曰景

孝文之中子

也母竇太后孝文在代時前后有三男及竇太后得幸
前后死及三子更死故孝景得立

元年四月乙卯赦天下乙巳賜民爵一級五月除田半

租爲孝文立太宗廟令羣臣無朝賀匈奴入代與約和

親

二年春封故相國蕭何孫係爲武陵侯

集解徐廣曰漢書亦作係鄒誕

生本作侯音奚又按漢書功臣表及蕭何傳皆云孫嘉疑其人有二名

男子二十而得傅

索隱音附荀悅云傳正卒也小顏云舊法二十三而傳今改也

四月壬午孝文太后崩

索隱薄后也葬芷陽西曰少陵也

廣川長沙王皆之國

索隱廣川王彭祖長沙王發皆

景帝子

遣就國丞相申屠嘉卒八月以御史大夫開封侯陶青

爲丞相彗星出東北秋衡山雨雹

正義雨于付反

大者五寸深

者二尺熒惑逆行守北辰月出北辰間歲星逆行天廷

中置南陵及內史設祔爲縣

集解徐廣曰地理志云文帝七年置駟按地理志百

官表南陵縣文帝置也分內史爲左右及祓禱爲縣皆景帝二年不得皆如徐所云案隱鄒誕生祓音都會反

又音丁活反禱音羽又音詡

三年正月乙巳赦天下長星出西方天火燔雒陽東宮

大殿城室

集解徐廣曰雒一作淮案隱漢書作淮陽王宮災故徙王於魯也

吳王濞

正義

音披備反高祖兄仲子故漢高祖十二年封三十三年反年表云都吳其實在江都也

楚王戊

正義

高祖弟楚王交孫嗣二十一年反都彭城

趙王遂

正義高祖孫幽王友子嗣二十六年反都邯鄲

西王卬

正義卬五郎反高祖孫齊悼惠王子故昌侯十年反都密州高密縣

濟南王辟光

正義辟音壁高祖孫齊悼惠王子故初侯立十一年反括地志云濟南故城在淄川長山縣西北三十里

川王賢

正義高祖孫齊悼惠王子故武成侯立十一年反都劇括地志云菑州縣也故劇城在青州壽

光縣南三十里故紀國膠東王雄渠

正義高祖孫齊悼惠王子故白石侯立十一年反都卽墨

括地志云卽墨故城在密州膠水縣東南六十里卽膠東國也反發兵西鄉天子爲誅

晁錯遣袁盎諭告不止遂西圍梁上乃遣大將軍竇嬰

太尉周亞夫將兵誅之六月乙亥赦亡軍及楚元王子

藝等正義藝魚曳反字亦作藝音同與謀反者封大將軍竇嬰爲魏其

侯正義地理志云魏其屬琅邪立楚元王子平陸侯劉禮爲楚王正義

韋昭云平陸西河縣禮卽向之從曾祖王父也立皇子端爲膠西王子勝爲中

山王徙濟北王志正義濟子禮反濟北國今濟州盧縣卽濟北王所都爲菑川王

淮陽王餘正義淮陽國今陳州爲魯王正義今兗州曲阜縣汝南王非正義汝南

國今豫州爲江都王正義江都國今揚州也吳王濞所都反誅景帝改爲江都國封皇子非也齊

王將廬正義齊國青州臨淄也將廬齊悼惠王之孫襄王之子年表云燕王嘉皆薨正義

徐廣曰表云五年薨索隱廬悼惠王孫齊王襄之子漢書作閭嘉劉澤之子

四年夏立太子立皇子徹爲膠東王六月甲戌赦天下

後九月更以弋陽爲陽陵

正義括地志云漢景帝陵也在雍州咸陽縣東三十里按

杜作壽陵也

復置津關用傳出

集解應劭曰文帝十二年除關無用傳至此復置傳

以七國新反備非常也張晏曰傳信也若今過所也如淳曰傳音檄傳之傳兩行書繪帛分持其一出入關合之乃得過謂之傳索隱傳音丁戀反冬以趙國爲邯鄲郡集解駟案地理志趙國景帝以

爲邯鄲郡

五年三月作陽陵渭橋

索隱景帝豫作壽陵也按趙系家趙肅侯十五年起壽陵後代

因之

五月募徙陽陵予錢二十萬江都大暴風從西方

來壞城十二丈丁卯封長公主子嶠爲隆慮侯

索隱音林閭避

殤帝諱
改之 徙廣川王爲趙王

六年春封中尉趙綰爲建陵侯

正義括地志云建陵故縣在沂州承縣界江

都丞相嘉爲建平侯

集解徐廣曰姓程

隴西太守渾邪爲平曲

侯

正義括地志云平曲縣故城在瀛州文安縣北七十里

趙丞相嘉爲江陵侯

集解

徐廣曰姓蘇

故將軍布爲郇侯梁楚二王皆薨後九月伐馳

道樹殖蘭池

集解徐廣曰殖一作填

七年冬廢栗太子爲臨江王

正義臨江忠州縣雖王臨江而都江陵

十二

月晦日有食之春免徒隸作陽陵者丞相青免二月乙

巳以太尉條侯

正義條田影反字亦作條音同

周亞夫爲丞相四月乙

巳立膠東王太后爲皇后

正義按系家太后槐里人父仲兄信封蓋侯后故金氏妻

女弟姁
兒也 丁巳立膠東王爲太子名徹

中元年封故御史大夫周苛孫平爲繩侯

集解徐廣曰平一作應

周故御史大夫周昌子左軍爲安陽侯四月乙巳

赦天下賜爵一級除禁錮地動衡山原都雨雹大者尺

八寸

中二年二月匈奴入燕遂不和親三月召臨江王來卽

死中尉府中夏立皇子越爲廣川王子寄爲膠東王封

四侯

集解文穎曰楚相張尚太傅趙夷吾趙相建德內史王悍此四人各諫其王無使反不聽皆殺之故

封其子趙夷吾子周建德子橫王悍子棄九月甲戌日食

中三年冬罷諸侯御史中丞春匈奴王二人率其徒來

降皆封爲列侯

正義漢書表云中三年安陵侯子軍桓侯賜道侯陸疆容城侯徐慮易侯僕日

范陽侯代翁侯邯鄲七人以匈奴王降皆封爲列侯按紀言二人者是匈奴二王爲首降立皇子方

乘爲清河王三月彗星出西北丞相周亞夫死以御史

大夫桃侯劉舍爲丞相四月地動九月戊戌晦日食軍

東都門外

集解按三輔黃圖東出北第一門曰宣平門外曰東都門

中四年三月置德陽宮

集解瓚曰是景帝廟也帝自作之諱不言廟故言宮西京故事

云景帝廟爲德陽宮大蝗秋赦徒作陽陵者

中五年夏立皇子舜爲常山王封十侯

正義惠景間年表云亞王侯盧

他之龍盧侯陳留蟜乘氏侯劉買桓邑侯劉明蓋侯王信按其五人是中元五年封餘檢不獲中元三年匈奴

王二人降封爲列侯惠景間表云匈奴王降爲侯者有七人疑其五人是十侯之數六月丁巳赦

天下賜爵一級天下大遼更命諸侯丞相曰相秋地動

中六年二月己卯行幸雍郊見五帝三月雨雹四月梁

孝王城陽共王

正義城陽今濮州雷澤縣古城陽也共音恭謚法嚴敬故事曰恭

汝南

王皆薨立梁孝王子明爲濟川王

正義表云分梁置也

子彭離爲

濟東王

正義表云分梁置也

子定爲山陽王

正義地理志云景帝中六年別爲山陽國

屬兗州

子不識爲濟陰王

正義地理志云景帝中六年別爲濟陰國屬兗州案今曹州是

也梁分爲五封四侯更命廷尉爲大理將作少府爲將

作大匠主爵中尉爲都尉

集解駟案漢書百官表曰主爵中尉秦官掌列侯

長

信詹事爲長信少府

集解駟案漢書百官表曰詹事秦官掌皇后太子家應劭曰詹省也

給也贖曰茂陵書詹事秩二千石也張晏曰以太后所居宮爲名長信宮則曰長信少府長樂宮則曰長樂少

府將行爲大長秋集解駟案漢書百官表曰將行秦官應劭曰長秋皇后卿

行人

集解服虔曰天子死未有諡稱大行晉灼曰禮有大行小行主諡官故以此名之如淳曰不反之辭

也贊曰大行是官名掌九儀之制以賓諸侯索隱鄭玄云命者五謂公侯伯子男爵者四孤卿大夫士是九也

奉常爲太常

集解駟案漢書百官表曰奉常秦官掌宗廟禮儀

典客爲大行索隱

韋昭云大行官名秦時云典客景帝初改云大行後更名大鴻臚武帝因而不改故漢書景紀有大鴻臚百官表又云武帝改名大鴻臚臚附也以言其掌四夷賓客若皮臚之在外附於身也復有大行令故諸侯薨大鴻臚奏謚列侯薨則大行奏誄

治粟內史爲大農

集解駟案漢書

百官表曰治粟內史秦官掌穀貨也

以大內爲二千石

集解韋昭曰大內京師府藏

左右內官屬大內

索隱主天子之私財曰小內小內卽屬大內也七月辛亥日

食八月匈奴入上郡

後元年冬更命中大夫爲衛尉

正義漢書百官表云衛尉秦官掌宮闈門衛屯

兵景帝初更名中大夫後元年復爲衛尉

三月丁酉赦天下賜爵一級中二

千石諸侯相爵右庶長四月大酺五月丙戌地動

集解徐廣

日丙一作甲

其蚤食時復動上庸地動二十二日壞城垣七

月乙巳日食丞相劉舍免八月壬辰以御史大夫綰爲

丞相封爲建陵侯

案隱姓衛

後二年正月地一日三動郅將軍擊匈奴

正義郅真粟反郅都傳云

匈奴刻木爲郅都而射不中

酺五日令內史郡不得食馬粟没人縣

官令徒隸衣七纓布

正義衣於旣反纓祖工反纓八纓也與布相似七升布用五百六

十止馬春

案隱止人爲馬春粟爲歲不登也

爲歲不登禁天下食不造

歲省列侯遣之國集解晉灼曰文紀遣列侯之國今又省之三月匈奴入鴈

門十月租長陵田大旱衡山國河東雲中郡正義衡山國今衡州

河東今蒲州雲中郡今勝州 民疫

後三年十月日月皆食赤五日十二月晦雷集解徐廣曰一作書

字又作圖字實所未詳 日如紫五星逆行守太微月貫天庭中索隱

天庭即龍星右角也按石氏星傳日龍在左角曰天田右角曰天庭 正月甲寅皇太子冠

甲子孝景皇帝崩集解皇甫謐曰帝以孝惠七年生年四十八 遺詔賜諸侯

王以下至民為父後爵一級天下戶百錢出宮人歸其

家復無所與太子即位是為孝武皇帝集解駟案漢書云二月癸酉帝

葬陽陵皇甫謐曰陽陵山方百二十步高三十四丈去長安四十五里 三月封皇太后弟蚡

爲武安侯弟勝爲周陽侯置陽陵

集解蘇林曰蚡音殿
索隱蚡音扶粉反按

外戚世家皇太后母臧兒初嬪王氏生子信而寡更嫁長陵田氏生蚡及勝

太史公曰漢興孝文施大德天下懷安至孝景不復憂異姓而晁錯刻削諸侯遂使七國俱起合從而西鄉以諸侯大盛而錯爲之不以漸也及主父偃言之而諸侯以弱卒以安索隱主父偃上言令天子下推恩之令令諸侯各得分邑其子弟於是遂弱卒以安也安危之機豈不以謀哉

索隱述贊曰景帝卽位因修靜默勉人於農率下以德制度斯創禮法可則一朝吳楚乍起凶慝提局成
豐拒輪致惑晁錯雖誅梁城未克條侯出將追奔遂北坐見梟掠立翦牟賊如何太尉後卒下獄惜哉明君斯功不錄

史記卷十一

史記卷十一考證

孝景本紀二年春封故相國蕭何孫係爲武陵侯集解
徐廣曰漢書亦作係鄒誕生本作傒音奚又按漢書
功臣表及蕭何傳皆云孫嘉疑其人有二名○表亦
作嘉與此互異表又作武陽并封邑亦不同

以御史大夫綰爲丞相封爲建陵侯○余有丁曰綰卽
前六年用中尉封者此複出

令徒隸衣七纓布正義七升布用五百六十縫○縫係
纓字之誤

史記卷十一考證

史記卷十二

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長史張守節正義

孝武本紀第十二

集解駟案太史公自序曰作今上本紀其述事皆云今上今天子或言孝武帝者悉後人所定也張晏曰武紀褚先生補作也先生名少孫漢博士**索隱**褚先生補史記合集武帝事以編年今止取封禪書補之信其才之薄也張晏云褚先生潁川人仕元成間韋稜云褚顛家傳褚少孫梁相褚大弟之孫宣帝時爲博士寓居沛事大儒王式故號先生續太

史公書阮孝
緒亦以爲然

孝武皇帝者

案漢書音義曰諱徹
正義駟案漢書音義曰諱徹

孝景中子

也

案隱按景十三王傳廣川王以上皆是武帝兄
自河間王德以至廣川凡有八人則帝第九也

母

曰王太后孝景四年以皇子爲膠東王孝景七年栗

太子廢爲臨江王以膠東王爲太子孝景十六年崩

太子卽位爲孝武皇帝

案張晏曰武帝以景帝元
年生七歲爲太子爲太子十

歲而景帝崩
時年十六矣

孝武皇帝初卽位尤敬鬼神之祀元年

漢興已六十餘歲矣

案解徐廣曰六十
七年歲在辛丑

天下又安薦

紳之屬

案隱薦音搢搢挺也言挺笏於紳帶之間事
出禮內則今作薦者古字假借爾漢書作縉

紳皆望天子封禪改正度也而上鄉儒術招賢良趙

綰王臧等以文學爲公卿欲議古立明堂城南以朝

諸侯

索隱城南長安城南門外也關中記云明堂在長安城門外杜門之西

草巡狩封

禪改歷服色事未就會竇太后治黃老言不好儒術

使人微伺得趙綰等姦利事

集解徐廣曰織微伺察之

召案綰臧

綰臧自殺

正義

漢書孝武二年御史大夫趙綰坐請無奏事太皇太后及郎中令王臧皆下獄

自殺應劭曰王臧儒者欲立明堂辟雍太后素好黃老術非薄六經因欲絕奏事太后太后怒故令自殺

諸所興爲者皆廢後六年竇太后崩其明年上徵文

學之士公孫弘等明年上初至雍郊見五時

正義時音止括

地志云漢五帝時在岐州雍縣南孟康云時者神靈之所止按五時者鄭時密時吳陽時北時先是秦文

公作鄜時祭白帝秦宣公作密時祭青帝秦靈公作吳陽上時祭黃帝下時祭赤帝漢高祖作北時祭黑

帝是五時也。後常三歲一郊，是時上求神君，舍之上林中。

躡氏觀集解徐廣曰：躡音啼，觀音也。集解鄒誕生音斯，觀名也。神君者，長陵女子以

子死悲哀，故見神於先後。宛若集解孟康曰：產乳而死，兄弟妻相謂先後。

宛若字索隱鄒誕生音先後，並去聲。卽集解今妯娌也。韋昭云：先娥後娣，宛音宛。宛若祠之，其

室民多往祠。平原君往祠集解徐廣曰：武帝外祖母也。駟案蔡邕曰：異姓婦人

以恩澤封者曰君儀，比長公主。索隱其後子孫以尊顯集解徐云：武帝外祖母則是臧兒也。

及武帝卽位，則厚禮置祠之內，中間其言不見其人。

云是時而李少君亦以祠竈穀道，卻老方見上。集解李奇

曰：食穀道引，或曰辟穀不食之道。索隱如淳云：祠竈

可以致福。按禮：竈者老婦之祭，盛於盆，尊於瓶。說文：周禮以竈祠祝融。淮南子：炎帝作火官，死爲今之竈神。司馬彪注：莊子云：浩竈神也。如美女衣赤李弘範。

音誥上尊之少君者故深澤侯集解徐廣曰姓趙景帝時絕封入以主

方

集解徐廣曰進納於天子而主方一云侯人主方輟按如淳曰侯家人主方藥者也

匿其年

及所生長常自謂七十能使物卻老

集解如淳曰物鬼物也瓚曰物

藥物也

其游以方徧諸侯無妻子人聞其能使物及不

死更饋遺之常餘金錢帛衣食人皆以爲不治產業

而饒給又不知其何所人愈信爭事之少君資好方

善爲巧發奇中

集解如淳曰時時發言有所中也

嘗從武安侯飲索隱

服虔云田蚡也韋昭云武安屬魏郡

坐中有年九十餘老人少君乃言

與其大父游射處老人爲兒時從其大父行識其處

一坐盡驚少君見上上有故銅器問少君少君曰此

器齊桓公十年陳於栢寢

集解服虔曰地名有臺也
瓚曰晏子書栢寢臺名也

正義括地志云栢寢臺在青州千乘縣東北二十一
里韓子云景公與晏子遊於少海登栢寢之臺而望

其國公曰美哉堂乎後代孰將有此晏子曰其田氏
乎公曰寡人有國而田氏家柰何對曰奪之則近賢

遠不肖治其煩亂輕其刑罰助窮乏恤孤寡
行恩惠崇節儉雖十田氏其如堂何卽此也

已而案其刻果齊桓公器一宮盡駭以少君爲神數百歲人

也少君言於上曰祠竈則致物致物而丹砂可化爲

黃金黃金成以爲飲食器則益壽益壽而海中蓬萊

僊者可見見之以封禪則不死黃帝是也臣嘗游海

上見安期生

索隱服虔云古之真人

食巨棗大如瓜安期生僊

者通蓬萊中合則見人不合則隱於是天子始親祠

竈而遣方士入海求蓬萊安期生之屬而事化丹砂

諸藥齊爲黃金矣

齊音分劑之劑

居久之李少君病死天

子以爲化去不死也而使黃鍾

集解韋昭曰人姓名直僞反

史

寬舒受其方

集解駟案漢書音義曰二人皆方士

求蓬萊安期生莫能

得而海上燕齊怪迂之方士多相效更言神事矣毫

人薄誘忌

集解徐廣曰一云毫人謬忌也

則衍薄字而謬又誤作誘也

奏祠泰一方曰天神貴者泰一

按樂

汁微圖云紫微宮北極天一泰一宋均以爲天一泰一北極之別名春秋緯云紫極之別名又名紫宮天

皇曜魄寶

泰一佐曰五帝

注云蒼帝靈威仰赤帝赤

之所理也 標怒白帝白招矩黑帝叶光紀黃帝含樞紐尚書帝命驗云蒼帝名靈威仰赤帝名文祖黃帝名神協白

帝名顯紀黑帝名玄
矩佐者謂配祭也

古者天子以春秋祭泰一東南

郊用太牢具七日

集解徐廣曰一云
日一太牢具七日

爲壇開八通之

鬼道於是天子令太祝立其祠長安東南郊常奉祠

如忌方其後人有上書言古者天子三年一用太牢

具祠神三一天一地一泰一天子許之令太祝領祠

之於忌泰一壇上如其方後人復有上書言古者天

子常以春秋解祠祠黃帝用一梟破鏡

集解孟康曰
梟鳥名食母

破鏡獸名食父黃帝欲絕其類使百物祠皆用之破

鏡如羆而虎眼或云直用破鏡如淳曰漢使東郡送

梟五月五日爲梟羹以

賜百官以惡鳥故食之
冥羊

集解服虔曰
神名也
用羊祠馬行

正義丁亥反
三並神名

用牛武夷君

正義神名

用乾魚陰陽使者以一牛

集解駟案漢書

音義曰陰陽之神也

令祠官領之如其方而祠於忌泰一壇旁

其後天子苑有白鹿以其皮爲幣

索隱按食貨志幣以白鹿皮方尺緣

以纘以薦璧得以黃金一斤代之又漢律皮幣率鹿皮方尺直金一斤

以發瑞應造白

金焉

正義白金三品武帝所鑄也如淳曰雜鑄銀錫爲白金也平準書云造銀錫爲白金以爲天用

莫如龍地用莫如馬人用莫如龜故曰白金三品其一曰重八兩圓之其文龍名曰白選直三千二曰重差小方之其文馬直五百三曰復小摘之其文龜直三百錢譜云白金第一其形圓如錢肉好圓文爲一龍白銀第二其形方小長肉好亦小長好上下文爲二馬白銀第三其形似龜肉好小是文爲龜甲也

其明年郊雍獲一角獸若麋然

集解韋昭曰楚人謂麋爲麋素隱鹿音步

交反按韋昭云體若麋而一角春秋所謂有麋而角是也楚人謂麋爲麋又周書王會云麋者若鹿爾雅

云麋大鹿也牛尾一角郭璞云漢武獲一角獸若鹿謂之麟是也

有司曰陛下肅祇

郊祀上帝報享錫一角獸蓋麟云

正義漢書終軍傳云從上雍獲白麟

一角戴肉設武備而不爲害所以爲仁獸

於是以薦五時時加一牛以燎

正義力召反焚也

賜諸侯白金以風符應合子天地

集解晉灼曰符

瑞也瓚曰風示諸侯以此符瑞之應

於是濟北王以爲天子且封禪乃

上書獻泰山及其旁邑天子受之更以他縣償之常

山王有舉遷天子封其弟於真定以續先王祀而以

常山爲郡然後五嶽皆在天子之郡其明年齊人少

翁

正義漢武故事云少翁年二百歲色如童子

以鬼神方見上上有所幸

王夫人

集解徐廣曰齊懷王閔之母也騶按桓譚新論云武帝有所愛幸姬王夫人窈窕好容質

性嫺佞 **正義** 漢書作李夫人

夫人卒少翁以方術蓋夜致王夫人

及竈鬼之貌云天子自帷中望見焉於是乃拜少翁

爲文成將軍賞賜甚多以客禮禮之文成言曰上卽

欲與神通宮室被服不象神神物不至乃作畫雲氣

車及各以勝日

集解 駟案漢書音義曰如火勝金用丙與丁日不用庚辛

駕車辟

惡鬼又作甘泉宮中爲臺室畫天地泰一諸神而置

祭具以致天神居歲餘其方益衰神不至乃爲帛書

以飯牛

正義 飯房晚反書絹帛上爲怪言語以飼牛

詳弗知也言此牛腹

中有奇殺而視之得書書言甚怪天子疑之有識其

手書問之人果僞書於是誅文成將軍

正義 漢武故事云文成誅

月餘日使者籍貨關東還逢之於漕亭還見言之上乃疑發其棺無所見唯有竹筒一枚捕驗開無蹤跡

也而隱之其後則又作栢梁銅柱承露僊人掌之屬

矣集解蘇林曰僊人以手掌擎盤承甘露也繫隱服虔云用梁百頭按今字皆作栢三輔故事云臺高

二十丈用香栢爲殿梁香閣十里中建章宮承露盤高三十丈丈七圍以銅爲之有僊人掌承露和玉屑飲之故張衡賦曰立脩莖之僊掌承雲表之清露是也文成死明年天子病鼎

湖甚集解晉灼曰在湖縣韋昭曰地名近宜春繫隱湖縣名屬京兆後屬弘農昔黃帝採首陽山銅

鑄鼎於湖曰鼎湖卽今之湖城縣也韋昭以爲近宜春亦甚疎巫醫無所不致至不

愈游水發根集解服虔曰游水縣名發根人姓名晉灼曰地理志游水水名在臨淮浦也繫

顏師古以游水姓發根名蓋或因水爲姓或曰發樹根也乃言曰上郡有巫病

而鬼下之上召置祠之甘泉及病使人問神君集解韋昭

曰卽病神君言曰天子毋憂病病少愈強與我會甘

泉於是病愈遂幸甘泉病良已集解孟康曰良已蓋已愈也 大赦

天下置壽宮神君集解服虔曰立此便宮也瓚曰宮奉神之宮也楚辭曰蹇將澹兮壽

宮神君最貴者大夫其佐曰大禁司命之屬皆從之

非可得見聞其音與人言等時去時來來則風肅然

也居室帷中時晝言然常以夜天子被然後入集解駟案

漢書音義曰崇潔因巫爲主人關飲食所欲者言行

自被除然後入集解李奇曰神所又置壽宮北宮正義括地志云

欲言上輒爲下之壽宮北宮皆在

雍州長安縣西北三十里長安故城中漢書云武帝壽宮以處神君張羽旗設供具以

駟案漢書音義曰或云策書之法也正義書音畫按畫一之法其所語世俗之所知

也毋絕殊者而天子獨喜其事祕世莫知也其後三

年有司言元宜以天瑞命不宜以一二數集解蘇林曰得黃龍

鳳皇諸瑞以名年正義孝景以前卽位以一二數一

元至其終武帝卽位初有年號改元以建元爲始一

元曰建元二元以長星曰元光三元以郊得一角獸

曰元狩云集解徐廣曰按諸紀元光後有元朔元朔後得元狩其明年冬天子

郊雍議曰今上帝朕親郊而后土毋祀則禮不答也

有司與太史公集解韋昭曰說者以談爲太史公失之矣史記稱遷爲太史公者是外孫

楊惲所稱案姚察按司馬遷傳亦以談爲太史公非惲所加又按虞喜志林云古者主天官皆上公自周至漢其職轉卑然朝會坐位猶居公上尊天之道其官屬仍以舊名尊而稱公公名當起於此故如淳

云太史公位在丞相上天下郡國計書先上太史公副上丞相其義是也而桓譚新論以爲太史公造書書成示東方朔朔爲平定因署其下太史公者皆東方朔所加之也楊惲繼此而稱爾祠官寬

舒等議天地牲角繭栗今陛下親祀后土后土宜於

澤中園丘爲五壇壇一黃犢太牢具已祠盡瘞而從

祠衣上黃於是天子遂東始立后土祠汾陰睢上

集

徐廣曰元鼎四年時也駟按蘇林曰睢音誰如淳曰河之東岸特堆掘長四五里廣二里餘高十餘丈汾陰縣在睢之上后土祠在縣西汾在睢之北西流與河合也

漢書舊儀作葵上者蓋河東人呼誰與葵同故爾如寬舒等議上親望拜如上帝禮禮畢天子遂

至滎陽而還過雒陽下詔曰三代邈絕遠矣難存其

以三十里地封周後爲周子南君以奉先王祀焉是

歲天子始巡郡縣侵尋於泰山矣

集解侵尋卽浸淫也故晉灼云遂往

之意也小顏云侵淫漸染之義蓋尋淫聲相近假借用爾師古叔父游秦亦解漢書故稱師古爲小顏也

其春樂成侯

集解徐廣曰姓丁名義後與樂大俱誅也索隱韋昭云河間縣按郊祀志樂成

侯登而徐廣據表云姓丁名義未詳爾

上書言樂大樂大膠東宮人

集解

服虔曰

故嘗與文成將軍同師已而爲膠東王尚方

而樂成侯姊爲康王后

集解孟康曰膠東王后也

毋子康王死他

姬子立爲王而康后有淫行與王不相中得相危以

法康后聞文成已死而欲自媚於上乃遣樂大因樂

成侯求見言方天子旣誅文成後悔恨其早死惜其

方不盡及見樂大大悅大爲人長美言多方略而敢

爲大言處之不疑大言曰臣嘗往來海中見安期美

門之屬

索隱韋昭云美門古仙人應劭曰各子高

顧以爲臣賤不信臣又

以爲康王諸侯爾不足予方臣數言康王康王又不
用臣臣之師曰黃金可成而河決可塞不死之藥可
得僊人可致也臣恐效文成則方士皆掩口惡敢言
方哉上曰文成食馬肝死爾子誠能修其方我何愛
乎大曰臣師非有求人人主求之陛下必欲致之則
貴其使者令爲親屬以客禮待之勿卑使各佩其信
印乃可使通言於神人神人尚肯邪不邪致尊其使
然後可致也於是上使先驗小方闕旗旗自相觸擊

正義音其又本或作棊說文云棊博棊也高誘注淮南子云取雞血與針磨擣之以和磁石用塗碁頭曝

乾之置局上卽相拒不止也 是時上方憂河決而黃金不就 **正義**鍊丹

砂鉉錫爲黃金不就乃拜大爲五利將軍居月餘得四金印佩

天士將軍地士將軍大通將軍天道將軍印制詔御

史昔禹疏九江決四瀆間者河溢臯陸隄繇不息 **正義**

顏師古云臯水旁地也廣平曰陸言水大汎溢自臯及陸而築作隄徭役甚多不暇休息也 朕臨

天下二十有八年天若遺朕士而大通焉 **集解**韋昭曰言樂大

能通天意故封樂通 **集解**乾稱蜚龍鴻漸于般 **集解**駟案漢書

音義曰般水涯堆也漸進也武帝云得樂大如鴻進於般一舉千里得道若飛龍在天 意庶幾

與焉其以二千戶封地士將軍大爲樂通侯 **集解**韋昭曰樂

通臨淮賜列侯甲第集解駟案漢書音義曰有甲乙第次故曰第

乘輿斥車馬帷帳器物以充其家集解駟案漢書音義曰或云斥不用

也韋昭曰嘗在服御案孟康云斥不用之車馬是也

又以衛長公主妻之集解孟康曰衛太子姊如淳曰衛太子姊也蔡邕曰帝女曰公主公主儀比諸侯姊妹曰長公主儀比諸侯王

駟按此帝女也而齋金萬斤更名其邑曰當利公主云長公主未詳

集解地理志云天子親如五利之第使者存問所給東萊有當利縣

連屬於道自大主將相以下皆置酒其家獻遺之集解

徐廣曰太主武帝姑也駟於是天子又刻玉印曰天按韋昭曰竇太后之女也

道將軍使使衣羽衣夜立白茅上五利將軍亦衣羽

衣立白茅上受印以示弗臣也而佩天道者且爲天

子道天神也於是五利常夜祠其家欲以下神神未

至而百鬼集矣然頗能使之其後治裝行東入海求

其師云大見數月佩六印貴振天下而海上燕齊之

間莫不搯腕而自言有禁方能神僊矣集解服虔曰滿手曰搯

日搯執持也其夏六月中汾陰巫錦集解應劭曰錦巫名爲民祠魏

雎后土營旁集解應劭曰魏故魏國也雎若丘之類見地如鉤狀掎視

得鼎集解說文掎把也音步溝反鼎大異於衆鼎文鏤無欵識集解

韋昭曰欵刻也怪之言吏吏告河東太守勝勝以聞集解識猶表識

天子使使驗問巫錦得鼎無姦詐乃以禮祠迎鼎至

甘泉從行上薦之集解如淳曰以鼎從行上至甘泉將薦之於天也至中山

集解

徐廣曰河渠書鑿涇水自中山西

索隱

此山在

馮翊谷口縣西近九畎山土人呼爲中山河渠書韓

使水工鄭國說秦鑿涇

水自中山西卽此山也

晏溫

集解如淳曰三輔謂日出清濟爲晏晏而溫也

索隱

許慎注淮南云晏無雲也

有黃雲蓋焉有庶過上自射之因以

祭云至長安

集解徐廣曰上言從行薦之或曰祭鼎也

公卿大夫皆議請

尊寶鼎天子曰間者河溢歲數不登故巡祭后土祈

爲百姓育穀今年豐庶未有報鼎曷爲出哉有司皆

曰聞昔太帝興神鼎一

一者一統天地萬物所繫終也黃帝作寶鼎三象天

地人也禹收九牧之金鑄九鼎皆嘗鷓烹

集解徐廣曰烹煮也

鷓音鷓皆嘗以烹牲牢而祭祀也

而饗嘗也鷓字又作鷓音鷓漢書郊祀志云鼎空足

乾隆四年校刊

史記卷十一 本已

日鬲以象三德鬲音歷謂足中不實者名之也

上帝鬼神

集解服虔曰以祭祀上帝或曰嘗烹

也**遭聖則興**

正義遭逢也鼎雖淪泗水逢聖也

遷于夏

商周德衰宋之社亡

正義社主民也社以石爲之宋社卽亳社也周武王伐紂乃立

亳社以爲監戒覆上棧下使通天地陰陽之氣周禮衰國將危民故宋之社爲亡殷復也

鼎乃淪

伏而不見頌云自堂徂基

正義此以下至胡考之休是周頌絲衣之詩自堂從

內往外基門內塾也鄭玄云門側之堂謂之塾釋禮經使士升堂視壺濯及邊豆之屬降往於塾牲自羊徂牛充庖乃舉鼎告潔禮之次也

自羊徂牛

正義自堂往塾先視羊後及牛也毛萇云先小

後大也**鼐鼎及鼐**

集解韋昭曰爾雅云鼎經大謂之鼐園奄上謂之鼐

不虞不驚

胡考之休

正義毛詩傳云吳譁也姚氏按何承天云此虞當爲吳音洪霸反說文以吳一口大

言也此作虞者與吳聲相近故假借也或者本文借此虞爲騷娛字也

今鼎至甘泉光

潤龍變承休無疆合茲中山有黃白雲降

集解韋昭曰與中山

所見黃雲之氣合也

蓋若獸爲符

集解服虔曰雲若獸在車蓋也晉灼曰蓋辭也或曰符謂

瑞應也

路弓乘矢

集解韋昭曰路大也四矢爲乘

集獲壇下報祠大饗

集解徐廣曰一云大報饗祠也

惟受命而帝者心知其意

集解服虔曰高祖受

命知之也宜見鼎於其廟

而合德焉鼎宜見於祖禰藏於帝廷以

合明應制曰可入海求蓬萊者

集解蓬萊方丈瀛洲勃海中三神山也

言蓬萊不遠而不能至者殆不見其氣上乃遣望氣

佐候其氣云其秋上幸雍且郊

集解以雍地形高故云

或曰五

帝泰一之佐也宜立泰一而上親郊之上疑未定齊

人公孫卿曰今年得寶鼎其冬辛巳朔旦冬至與黃

帝時等卿有札書曰黃帝得寶鼎宛侯問於鬼與區

集解

駟案漢書音義曰區黃帝時人

鄭玄云黃

帝佐也李奇曰黃帝時諸侯本作申區者非藝文志

作鬼容區也

區對曰黃帝得寶鼎神筮是歲己酉朔旦冬

至得天之紀終而復始於是黃帝迎日推筮後率二

十歲

正義

率音律又音類又所律反三音並通後皆放此也

得朔旦冬至凡二

十推三百八十年黃帝僊登于天卿因所忠欲奏之

所忠視其書不經疑其妄書謝曰寶鼎事已決矣尚

何以爲卿因嬖人奏之上大悅召問卿對曰受此書

申功

集解

駟案封禪書功字作公

申功已死上曰申功何人也卿

曰申功齊人也與安期生通受黃帝言無書獨有此

鼎書曰漢興復當黃帝之時漢之聖者在高祖之孫

且曾孫也寶鼎出而與神通封禪封禪七十二王

正義

河圖云王者封太山禪梁父
易姓登崇有七十二君也唯黃帝得上泰山封申

功曰漢主亦當上封上封則能僊登天矣黃帝時萬

諸侯而神靈之封居七千

集解應劭曰黃帝時諸侯會封禪者七千人李奇曰

說仙道得封者七千國張晏
曰神靈之封謂山川之守天下名山八而三在蠻

夷五在中國中國華山首山太室泰山東萊此五山

黃帝之所常遊與神會黃帝且戰且學僊患百姓非

其道乃斷斬非鬼神者百餘歲然後得與神通黃帝

郊雍上帝宿三月鬼臾區號大鴻死葬雍故鴻冢是

也

集解蘇林曰今雍有鴻冢

其後黃帝接萬靈明廷明廷者甘泉

也所謂寒門者谷口也

集解徐廣曰寒一作塞漢書音義曰黃帝仙於寒門也

隱服虔云寒門黃帝所僊之處小顏云谷中山之谷口漢時爲縣今呼爲冶谷去甘泉八十里盛夏凜然

故曰寒門黃帝采首山銅鑄鼎於荆山下

集解晉灼曰地理志首山屬河

東蒲坂荆山在馮翊懷德縣

鼎既成有龍垂胡顛下迎黃帝

索隱顏師

古云胡謂顛下垂肉也顛其毛也故童謠曰何當爲君鼓龍胡是也

黃帝上騎羣臣後

宮從上龍七千餘人龍乃上去餘小臣不得上乃悉

持龍顛龍顛拔墮黃帝之弓百姓仰望黃帝既上天

乃抱其弓與龍胡顛號故後世因名其處曰鼎湖

括地志云湖水源出號州湖城縣南三十五里夸父山北流入河卽鼎湖也

其弓曰烏號

於是天子曰嗟乎吾誠得如黃帝吾視去妻子如脫

躡耳乃拜卿爲郎東使候神於太室上遂郊雍至隴

西西登空桐

正義空桐山在平高縣西一百里

幸甘泉令祠官寬

舒等具泰一祠壇壇放薄忌泰一壇壇三垓

集解徐廣曰垓

次也駟按李奇曰垓重也三重壇也

索隱鄭氏曰垓一作陔言壇階三重五帝壇環居其

下各如其方黃帝西南除八通鬼道

集解服虔曰坤位在未黃帝從

位上泰一所用如雍一時物而加醴棗脯之屬殺一犛

牛以爲俎豆牢具而五帝獨有俎豆

集解韋昭曰無犛牛醴之屬

醴進

索隱師古云具俎豆酒醴而進之

一曰進謂雜物之具所以加禮也其下四地方地

爲餼食

索隱餼音竹芮反謂連續而祭之漢志作服古字亦通說文曰餼祭酌也正義劉伯莊云

謂繞壇設諸神祭座相連綴也

羣神從者及北斗云已祠胙餘皆燎

之其牛色白鹿居其中彘在鹿中水而洎之

集解徐廣曰洎

音居器反肉汁也 駟案晉灼曰此說合牲物燎之也

正義劉伯莊云以太羹和祭食燎之按以鹿內牛中

以彘內鹿中祭日以牛祭月以羊彘特

索隱特一牲也言若牛若

羊若彘止一特也

秦一祝宰則衣紫及繡五帝各如其色日

赤月白十一月辛巳朔旦冬至昧爽天子始郊拜泰

一朝朝日夕夕月

集解應劭曰天子春朝日秋夕月拜日東門之外朝日以朝夕月以

夕瓚曰漢儀郊泰一時皇帝平旦出竹宮東向揖日其夕西向揖月便用郊日不用春秋也

則揖

而見泰一如雍禮其贊饗曰天始以寶鼎神筴授皇

帝朔而又朔終而復始皇帝敬拜見焉而衣上黃其

祠列火滿壇旁壇旁烹炊具有司云祠上有光焉公

卿言皇帝始郊見泰一雲陽

正義括地志云漢雲陽宮在雍州雲陽縣北八

十一里有通天臺卽黃帝以來祭天園丘之處武帝以五月避暑八月乃還

有司奉瑄玉

集解孟康曰璧大六寸謂之瑄索隱瑄音宣

嘉牲薦饗

正義漢書饗曰祭天養牛五歲至二

斤是夜有美光及晝黃氣上屬天太史公祠官寬舒

等曰神靈之休祐福兆祥宜因此地光域

集解徐廣曰地一作

夜立泰畤壇以明應令太祝領祀及臘間祠三歲天

子一郊見其秋爲伐南粵告祝泰一以牡

集解徐廣曰一作牝

荆畫旛

集解如淳曰荆之無子者皆以潔齊之道也晉灼曰牡荆節間不相當者韋昭曰以牡荆

爲柄者也

日月北斗登龍以象天一三星爲泰一鋒

集解徐廣

曰天官書曰天極星明者秦一常居也斗口三星曰天一駟按晉灼曰畫一星在後三星在前爲太一鋒也

名曰靈旗

正義李奇云畫旗樹秦一壇上名靈旗畫日月北斗登龍等

爲兵禱

則太史奉以指所伐國

正義韋昭云牡剛也荆強按用牡荆指伐國取其剛爲稱

故畫此旗指之

而五利將軍使不敢入海之泰山祠上使人

微隨驗實無所見五利妄言見其師其方盡多不讐

上乃誅五利

正義漢武故事云東方朔言樂大無狀上發怒乃斬之

其冬公孫

卿候神河南見僊人跡緱氏城上有物若雉往來城

上天子親幸緱氏城視跡問卿得無效文成五利乎

卿曰僊者非有求人主人主求之其道非少寬假神

不來言神事事如迂誕

正義迂音于誕音但迂遠也誕大也

積以歲乃

可致於是郡國各除道繕治宮觀名山神祠所以望

幸矣其年既滅南越上有嬖臣李延年以好音見上

善之下公卿議曰民間祠尚有鼓舞之樂今郊祠而

無樂豈稱乎公卿曰古者祀天地皆有樂而神祇可

得而禮或曰秦帝使素女亦謂太昊伏羲氏鼓五

十弦瑟瑟帝禁不止故破其瑟爲二十五弦於是塞

南越禱祠秦一后土始用樂舞益召歌兒作二十五

弦集解徐廣曰瑟也及箜篌瑟自此起集解徐廣曰應劭云武帝令樂人侯調始

造箜篌其來年冬上議曰古者先振兵澤旅集解徐廣曰古釋字

作澤然後封禪乃遂北巡朔方勒兵十餘萬還祭黃帝

冢橋山澤兵須如

集解李奇曰地名也

上曰吾聞黃帝不死今

有冢何也或對曰黃帝已僊上天羣臣葬其衣冠既

至甘泉爲且用事泰山

正義道書福地記云泰山高四千九百丈二尺周回二千

里先類祠秦一自得寶鼎上與公卿諸生議封禪

正義

白虎通云王者易姓而起天下太平功成封禪以告太平禪梁父之址廣厚也刻石紀號著已之功績天以高爲尊地以厚爲德故增泰山之高以效天禪梁父之趾以報地封者附廣之禪者將以功相傳授之

封禪用希曠絕莫知其儀禮而羣儒采封禪尚書周

官王制之望祀射牛事

集解蘇林曰當祭廟射其牲以除不祥瓚曰射牛示親殺

也
繫
天子射牛示親殺也事見國語

齊人丁公年九十餘曰封者合

不死之名也秦皇帝不得上封陛下必欲上稍上卽

無風雨遂上封矣上於是乃令諸儒習射牛草封禪

儀

索隱見應劭漢官儀也

數年至且行天子既聞公孫卿及方

士之言黃帝以上封禪皆致怪物與神通欲放黃帝

以嘗接神僊人蓬萊士高世比德於九皇

集解張晏曰三皇之

前有人皇九首韋昭曰上古人皇者九人也

而頗采儒術以文之羣儒既

以不能辯明封禪事又牽拘於詩書古文而不敢騁

上爲封祠器示羣儒羣儒或曰不與古同徐偃又曰

太常諸生行禮不如魯善周霸屬圖封事

集解服虔曰屬會也

會諸儒圖封事

於是上絀偃霸盡罷諸儒弗用三月遂東幸

緱氏禮登中嶽

集解文穎曰崧高山也在潁川陽城縣

太室

集解韋昭曰崧高山

有太室少室之山山
有石室故以名之
從官在山下聞若有言萬歲云

正義漢儀注云有稱
萬歲可十萬人聲
問上上不言問下下不言於是

以三百戶封太室奉祠命曰崇高邑
正義顏師古云
以崇奉崧高山

故謂之
崇高也
東上泰山山之草木葉未生乃令人上石立

之泰山巔上遂東巡海上行禮祠八神
集解文穎曰
武帝登泰山

祭太一并祭名山於泰壇西南開除八通鬼道故言
八神也一曰八方之神索隱韋昭云八神謂天地陰

陽日月星辰主四時之屬今按郊祀志一曰天主祠
天齊二曰地主祠太山梁父三曰兵主祠蚩尤四曰

陰主祠三山五曰陽主祠之罘六曰月主祠之
萊山七曰日主祠成山八曰四時主祠琅邪 齊人

之上疏言神怪奇方者以萬數然無驗者乃益發船

令言海中神山者數千人求蓬萊神人公孫卿持節

常先行候名山至東萊言夜見一人長數丈就之則
不見見其跡甚大類禽獸云羣臣有言見一老父牽
狗言吾欲見巨公

集解 駟案漢書音義曰巨公謂武帝

已忽不見上既

見大跡未信及羣臣有言老父則大以爲僊人也宿
留海上與方士傳車及間使求僊人以千數四月還

至奉高上念諸儒及方士言封禪人人殊不經難施
行天子至梁父禮祠地主乙卯令侍中儒者皮弁薦
紳射牛行事封泰山下東方如郊祠泰一之禮封廣
丈二尺高九尺其下則有玉牒書書秘禮畢天子獨

與侍中奉車子侯

集解 駟案漢書百官表曰奉車都尉掌乘輿武帝初置韋昭曰子

侯霍去病之子也

上泰山亦有封其事皆禁明日下陰道丙

辰禪泰山下陟東北肅然山如祭后土禮天子皆親

拜見衣上黃而盡用樂焉江淮閒一茅三脊

集解孟康曰所

謂靈茅也

爲神藉五色土益雜封縱遠方奇獸蜚禽及白

雉諸物頗以加祠兕旄牛犀象之屬弗用皆至泰山

然後去封禪祠其夜若有光晝有白雲起封中天子

從封禪還坐明堂

集解漢書音義曰天子初封泰山山東北陟古時有明堂處則此所

坐者明年秋乃作明堂

羣臣更上壽於是制詔御史朕以眇眇

之身承至尊兢兢焉懼弗任維德菲薄不明于禮樂

脩祀泰一若有象景光屑如有望

集解贊曰聞呼萬歲者三

依依

震於怪物欲止不敢遂登封泰山至於梁父而后禪

肅然

集解服虔曰肅然山名在梁父

自新嘉與士大夫更始賜民百

戶牛一酒十石加年八十孤寡布帛二匹復博奉高

蛇丘

集解鄭玄曰蛇音移

歷城毋出今年租稅其赦天下如乙

卯赦令行所過毋有復作事在二年前皆勿聽治又

下詔曰古者天子五載一巡狩用事泰山諸侯有朝

宿地其令諸侯各治邸泰山下

正義諸侯各於泰山朝宿地起第准擬天

子用事泰山而居止

天子既已封禪泰山既無風雨菑而方士

更言蓬萊諸神山若將可得於是上欣然庶幾遇之

乃復東至海上望冀遇蓬萊焉奉車子侯暴病一日

死上乃遂去並海上北至碣石巡自遼西歷北邊至

九原五月返至甘泉

集解駟案漢書音義曰周萬八千里也

有司言寶

鼎出爲元鼎以今年爲元封元年其秋有星芘于東

井

集解韋昭曰秦分野也後衛太子兵亂芘音佩

後十餘日有星芘于三能

集解韋昭曰三能三公後連坐誅之

望氣王朔言候獨見其星出如瓠

索隱

郊祀志填星出如瓠故顏師古以德星卽鎮星今按此紀惟止言德星則德星歲星也歲星所在有

福故曰德星

食頃復入焉有司言曰陛下建漢家封禪天

其報德星云其來年冬郊雍五帝還拜祝祠泰一贊

饗曰德星昭衍厥維休祥壽星仍出

索隱壽星南極老人星也見則

天下理安故言之也

淵耀光明信星昭見

索隱信星鎮星也信屬土土曰鎮星漢志

爲得之

皇帝敬拜秦

集解徐廣曰一無此字

祝之饗其春公孫卿

言見神人東萊山若云見天子天子於是幸緱氏城

拜卿爲中大夫遂至東萊宿留之

索隱音秀溜宿留遲待之意若依字

讀則言宿而留亦是有所待並通

數日毋所見見大人跡復遣方士

求神怪采芝藥以千數是歲旱於是天子旣出毋名

乃禱萬里沙

集解應劭曰萬里沙神祠也在東萊曲城孟康曰沙徑三百餘里

過祠

泰山

集解鄧展曰泰山自東復有小泰山瓚曰卽今之泰山

還至瓠子

集解服虔曰瓠

子堤名蘇林曰在甄城以南濮陽以北廣百步深五丈許瓚曰所決河名

自臨塞決河

按河渠書武帝自臨塞決河將軍以下皆負薪填之

留二日沈祠而去

索隱按沈白馬

祭河決於是作瓠子歌見河渠書

使二卿將卒塞決河河徙二渠復

禹之故跡焉是時既滅南越越人勇之

集解韋昭曰越地人名也

乃言越人俗信鬼而其祠皆見鬼數有效昔東甌王

敬鬼壽至百六十歲後世謾怠故衰耗乃令越巫立

越祝祠安臺無壇亦祠天神上帝百鬼而以雞卜

集解

駢案漢書音義曰持雞用卜如鼠卜

正義雞卜法用

雞一狗一生祝願訖卽殺雞狗煮熟又祭獨取雞兩眼骨上自有孔裂似人物形則吉不足則凶今嶺南猶行此法也 上信之越祠雞卜

始用焉公孫卿曰僊人可見而上往常遽以故不見

今陛下可爲觀如緱氏城

集解韋昭曰如猶比也

置脯棗神人

宜可致且僊人好樓居於是上令長安則作蜚廉桂

觀

集解應劭曰飛廉神禽能致風氣晉灼曰身如鹿頭如雀有角而蛇尾文如豹文也

甘泉則

作益延壽觀使卿持節設具而候神人乃作通天臺

集解徐廣曰在甘泉索隱漢書作通天臺於甘泉宮按漢書舊儀臺高五十丈去長安二百里望見長安

城置祠具其下將招來神僊之屬於是甘泉更置前

殿始廣諸宮室

索隱姚氏案揚雄云甘泉本因秦離宮既奢秦武帝復增通天高光迎風

宮外近則有洪厓旁皇儲胥弩陸遠則有石闕封巒枝鵲露寒棠梨師得遊觀屈奇瑰偉又有高華溫德

法相曾成宮白虎走狗天梯集夏有芝生殿防內中集

瑤臺仙人弩思觀皆壯麗也徐廣曰元封二年也天子爲塞河興通天臺若

按生芝九莖作芝房歌有光云李奇曰爲此作事而有光應璩曰作通天臺也乃下詔曰甘泉防

生芝九莖集應劭曰芝芝草也其葉相連如淳曰瑞應圖云王者敬事耆老不失舊故則芝

草生赦天下母有復作其明年伐朝鮮夏旱公孫卿曰

黃帝時封則天旱乾封

正義乾音干顏師古云三歲不雨暴所封之土令乾

年上乃下詔曰天旱意乾封乎

集解蘇林曰天旱欲使封土乾燥如淳曰

但祭不立尸爲乾封

其令天下尊祠靈星焉

正義靈星卽龍星也張晏云龍星左

角曰天田則農祥也見而祭之

其明年上郊雍通回中道巡之

集解徐廣

曰在扶風涿縣

春至鳴澤

集解服虔曰鳴澤澤名也在涿郡道縣北界

從西河歸

其明年冬上巡南郡

集解徐廣曰元封五年也

至江陵而東登禮

潛之天柱山號曰南嶽

集解應劭曰潛縣屬廬江南嶽霍山也文穎曰天柱山在

潛縣南有祠

浮江自尋陽出樅陽

集解駟案地理志廬江有樅陽縣

過彭

蠡祀其名山川北至琅邪並海上四月中至奉高脩封焉初天子封泰山泰山東北陞古時有明堂處處

險不敞上欲治明堂奉高旁未曉其制度濟南人公

玉帶上黃帝時明堂圖

索隱玉或音肅公玉姓帶名姚氏按風俗通齊潛王臣有

公玉冉其後也音語錄反三輔決錄云杜陵有王氏音肅說文以爲從玉音畜牧之畜今讀公玉與決錄音同然二姓單復有異單姓者音肅後漢司徒玉况是其後也

明堂圖中有一殿四

面無壁以茅蓋通入園宮垣爲複道上有樓從西南

人命曰昆侖

索隱玉帶明堂圖中爲複道有樓從西南入名其道曰崑崙言其似崑崙山之

五城十二樓故名之也

天子從之入以拜祠上帝焉於是上令

奉高作明堂汶上

集解徐廣曰在元封二年秋

如帶圖及五年脩

封則祠泰一五帝於明堂上坐令高皇帝祠坐對之

祠后土於下房以二十太牢天子從崑崙道入始拜

明堂如郊禮禮畢燎堂下而上又上泰山有祕祠其顛而泰山下祠五帝各如其方黃帝并赤帝而有司侍祠焉泰山上舉火下悉應之其後二歲十一月甲子朔旦冬至推歷者以本統天子親至泰山以十一月甲子朔旦冬至日祠上帝明堂每修封禪其贊饗

曰天增授皇帝泰元神筭

索隱

按贊饗之辭言天授皇帝泰元神筭周而復始

又按黃帝得寶鼎神筭則泰元者古昔上皇創曆之號故此云泰元神筭者周而復始也

周而復

始皇帝敬拜泰一東至海上考入海及方士求神者

莫驗然益遣冀遇之十一月乙酉

集解

徐廣曰二十日也

栢梁

裁十二月甲午朔上親禪高里

集解

伏儼曰山名在秦山下

祠后

土臨渤海將以望祠蓬萊之屬冀至殊庭焉

集解駟案漢書

音義曰蓬萊庭

索隱冀漢書作幾幾近也冀望也並通服虔曰蓬萊中僊人殊庭者異也言入僊人異域

也 上還以栢梁栽故朝受計甘泉

正義顧胤云栢梁被燒故受計獻之

物於甘泉也顏師古曰受郡國計簿也

公孫卿曰黃帝就青靈臺十二

日燒

集解徐廣曰日一作月

黃帝乃治明庭明庭甘泉也方士

多言古帝王有都甘泉者其後天子又朝諸侯甘泉

甘泉作諸侯邸勇之乃曰越俗有火栽復起屋必以

大用勝服之於是作建章宮

正義括地志云建章宮在雍州長安縣西二十

里長安故城西

度爲千門萬戶前殿度高未央其東則鳳闕

高二十餘丈

索隱三輔黃圖曰武帝營建章起鳳闕高二十五丈關中記一名別風闕以言

別四方之風西京賦曰闔闔之內別風嶢嶢是也三輔故事云北有園闕高二十丈上有銅鳳皇故曰鳳

闕也其西則唐中數十里虎圈紫隱如淳曰詩云中堂有甃鄭玄云唐堂庭也

爾雅以廟中路謂之唐西京賦曰前開唐中彌苜廣

濠也正義圈其遠反括地志云虎圈今在長安城中西偏也其北治大池漸臺正義顏師古云漸浸也臺在

莽死此臺也高二十餘丈名曰秦液正義臣瓚云秦液言象陰陽津液以作池

也池中有蓬萊方丈瀛洲壺梁象海中神山龜魚之

屬紫隱三輔故事云殿北海池北岸有石魚長二丈廣五尺西岸有石龜二枚各長六尺其南

有玉堂壁門大鳥之屬紫隱漢武故事玉堂基與未央前殿等去地十二丈乃

立神明臺紫隱漢宮闕疏云臺高五十丈井幹樓度

五十餘丈輦道相屬焉紫隱關中記宮北有井幹臺高五十丈積木爲樓言築累

萬木轉相交架如井幹司馬彪注莊子云井幹井欄也又崔譔云井以四邊爲幹猶築牆之有楨幹又諸本多作幹一本作榦音說文云榦井橋夏漢改曆以正月爲歲首而色

尚黃官名

集解徐廣曰無名字

更印章以五字

集解張晏曰漢據土德土

數五故用五爲印文也若丞相曰丞相之印章諸卿及守相印文不足五字者以之足也

因爲太

初元年是歲西伐大宛蝗大起丁夫人

集解韋昭曰丁姓夫人名

雒陽虞初等以方祠詛匈奴大宛焉其明年有司言

雍五時無牢熟具芬芳不備乃命祠官進時犢牢具

五色食所勝

集解孟康曰若火勝金則祠赤帝以白牡

而以木耦馬代駒

焉

索隱一音偶孟康云寓寄龍形於木又姚氏云寓假也以言假木龍馬一駒非寄寓龍馬形於木也

獨五帝用駒行親郊用駒及諸名山川用駒者悉以

木耦馬代行過乃用駒他禮如故其明年東巡海上

考神仙之屬未有驗者方士有言黃帝時爲五城十

二樓

集解應地曰崑崙縣圍五城十二樓仙人之所常居也

以候神人於執期

集解駟案漢書音義曰執期地名也

命曰迎年

正義顏師古云迎年若言祈年

上許作

之如方明年上親禮祠上帝衣上黃焉公玉帶曰黃

帝時雖封泰山然風后封鉅

集解應劭曰封鉅黃帝師岐伯

正義張揖

云岐伯黃帝太醫

令黃帝封東泰山禪凡山

集解徐廣曰在瑯邪朱虛縣汶

水所出凡山亦在朱虛

合符然後不死焉天子既令設祠其至

東泰山東泰山卑小不稱其聲乃令祠官禮之而不

封禪焉其後令帶奉祠候神物夏遂還泰山修五年

之禮如前而加禪祠石閭石閭者在泰山下陟南方

方士多言此僊人之閭也故上親禪焉其後五年復

至泰山修封

集解徐廣曰天漢三年李陵以天漢二年敗也

還過祭常山今

天子所興祠泰一后土三年親郊祠建漢家封禪五

年一修封薄忌泰一及三一冥羊馬行赤星五寬舒

之祠官

集解李奇曰祀名也

靈星龍左角赤故曰赤星五者太一也三一

也冥羊也馬行也赤星也凡五並令祠官寬舒領之

以歲時致禮凡六祠

五者

之外有正太一后土祠故云六也

皆太祝領之至如八神諸神明年

凡山他名祠行過則祀去則已方士所興祠各自主

其人終則已祠官弗主他祠皆如其故今上封禪其

後十二歲而還徧於五嶽四瀆矣而方士之候祠神
人入海求蓬萊終無有驗而公孫卿之候神者猶以
大人跡爲解無其效天子益怠厭方士之怪迂語矣
然終羈縻弗絕冀遇其真自此之後方士言祠神者
彌衆然其效可睹矣

徐廣曰猶今人云其事已可知矣皆不信之耳

太史公曰余從巡祭天地諸神名山川而封禪焉入
壽宮侍祠神語究觀方士祠官之言於是退而論次
自古以來用事於鬼神者具見其表裏後有君子得
以覽焉至若俎豆珪幣之詳獻酬之禮則有司存焉

索隱述贊曰孝武纂極四海承平志尚奢麗尤敬神明壇開八道接通五城朝觀五利夕拜文成祭非祀

典巡乖卜征登嵩勒岱望景傳聲迎年祀日改曆定
正疲耗中土事彼邊兵日不暇給人無聊生俯觀羸
政幾欲
齊衡

史記卷十二

史記卷十二考證

孝武本紀○魏書王肅傳云武帝聞其述史記取孝景及己本紀覽之於是大怒削而投之於今此兩紀有錄無書衛宏漢舊儀注云太史公作景帝本紀極言其短及武帝過武帝怒而削去後坐舉李陵降匈奴故下太史公蠶室有怨言下獄死此紀乃元成間褚先生取班書補之

臣照

按漢書司馬遷傳云十篇

缺有錄無書張晏曰遷沒之後亡景紀武紀禮書樂書兵書漢興以來將相年表日者列傳三王世家龜策列傳傅靳列傳元成之間褚先生補缺作武帝紀

三王世家龜策曰者傳言辭鄙陋非遷本意也而顏師古則云序日本無兵書張晏云亡失此說非也信矣顧張晏所稱褚先生補書惟一紀一世家二傳而餘六篇並未著爲誰氏所補又六篇中兵書旣屬本無則止九篇與班固所云十篇缺者又不符合然則其五篇之果缺與否并亦難信也今擇其如孝武本紀等灼然無疑者則低一行刻以別之餘並存疑子曰吾猶及史之闕文也古人疑以傳疑其爲功後世豈淺耶今不聽史記之闕而補之魚目明珠混不可辨亦可惜己顧班固作史時十篇雖亡而或後人得

之若河內女子舜典二十八字之類亦屬事之所有
或今之所缺轉不至十篇之多惜載籍闕如不可得
而考也至若孝武本紀更與餘篇不同自叙目內並
不云孝武本紀也遷死於武帝之前安得有孝武之
稱目云作今上本紀夫既曰今上本紀則自當有目
無書且遷作本紀自黃帝以至武帝則自當無書而
有其目班固云十篇缺並不載何十篇缺則固意數
今上本紀與否尚未可知後人奮起補之補之而又
全錄封禪書以爲孝武本紀愚陋妄謬極矣恐褚先
生亦不至於此張晏所爲褚先生補者亦臆說也至

遷傳云遷死後其書稍出宣帝時遷外孫楊惲祖述其書遂宣布焉乃魏書王肅傳謂武帝聞其述史記取孝景及己本紀覽之大怒削而投之於今此兩紀有錄無書誠齊東之語矣又遷腐刑後爲中書令尊寵任事故人任安責其不能薦天下豪俊遷報書云云具載本傳書云僕誠已著此書藏之名山傳之其人通邑大都則償僕前辱之失雖萬被戮豈有悔哉是遷被腐刑久而書尙未成也乃衛宏舊漢儀注云太史公作景紀極言其短及武帝過武帝怒而削去後坐舉李陵降匈奴故下蠶室是書成於救李陵

之前何其謬哉且馬遷本傳但云遷死其書稍出並不言其下獄死而衛宏又以爲武帝以遷有怨言下獄死皆所爲無稽之談也

少君者故深澤侯入以主方集解徐廣曰進納於天子而主方一云侯人主方駟案如淳曰侯家人主方藥者也○臣世駿按封禪書作深澤侯舍人此明脫舍人二字徐裴紛紛持疑未相覈對耳

而使黃鍾史寬舒受其方集解韋昭曰人姓名駟案漢書音義曰二人皆方士○臣召南按始皇紀云過黃

腫注云地理志東萊有黃縣腫縣恐史寬舒蓋黃腫

間人鍾與腫字體小異或傳寫各別只是地名非別
有黃鍾其人也年表有鍾侯索隱曰縣屬東萊字亦
從金不從月

神君最貴者大夫○封禪書言最貴者太一此作大夫
疑傳寫之誤

得四金印佩天士將軍地士將軍大通將軍天道將軍
印○臣照按封禪書無天道將軍四字此有之疑天

道卽大通傳寫之誤後人不知妄加以此爲四金印
耳其實合五利將軍爲四也下文云天若遺朕士而
大通焉卽天士地士大通之解也下天道將軍則刻

玉印立白茅上受之

上帝鬼神集解服虔曰以祭祀上帝或曰嘗烹酌也○
或曰嘗烹酌也六字宜在前徐廣曰皆嘗以烹牲牢
而祭祀也下錯簡在此

宋之社亡正義覆上棧下使通天地陰陽之氣○通上
宜有不字

於是甘泉更置前殿始廣諸宮室索隱姚氏按揚雄云
○云字宜作傳下乃班固漢書之文非甘泉賦中語
也

芝生殿防內中○臣照按隸辨曰校官碑董竝字公房

按卽防字唐公房碑君字公防房亦作防隸釋云隸
法房字其戶皆在側故人多不曉或作防或作昉皆
誤也據此則今本史記武帝紀芝生殿內防中漢書
溝洫志築宮其上名曰宣防皆防字傳寫之誤內中
二字必有一衍或曰按爾雅防卽今屏風防若是屏
風諸儒必有注解今無之知防爲房之訛也